

古史輯要

壹

1475
12



門
藏
卷
18
1472

道光乙巳仲夏鑄

古車輯


海山仙館藏板

昭和十五年
十一月二日
購求

門 4
號 1475
卷 12

海山仙館藏板

十口車




海山仙館藏

皇王圖

皇王圖

海山仙館藏



五千里蒙古輿圖

五千里蒙古輿圖

海山仙館叢書

北

海

東

西

海

海

俄羅斯界

俄羅斯界

哈薩克界

廓爾喀界

哲孟雄界

緬甸界

暹羅界

越南界

黑龍

嫩江

黑龍江

混同江

唐努山烏梁

扎薩克

額爾齊斯

納濟

善拉阿

河

盟西古蒙內

盟東古蒙內

師京

隸直

西山

東山

京盛

鴨綠江

圖們江

朝鮮

葉爾葉

羅布泊

沙金

青海

河

甘肅

陝西

岷江

四川

南河

安徽

江蘇

浙江

福建

阿里

藏後

前藏

貴州

南湖

西廣

東廣

北湖

江蘇

浙江

福建

海

臺

雲南

南掌界


暹羅界



越南界

瓊

海



帝統圖









古史輯要卷首 帝統

二





古史輯要卷之三
 帝統
 三









五史具要卷之六 帝統


五史具要卷之六





古今通纂卷之百 帝統





帝統歌

三皇

盤古天地人三皇。有巢燧人制作彰。

五帝

伏羲以下三十世。繫傳推尊惟五帝。羲農黃帝并堯舜。功德巍巍垂萬禩。

夏

十七帝 共四百五十八年

禹啟太康仲康立。帝相少康杼槐繼。芒泄不降扃。廬傳孔甲皇發履癸畢。

商 二十八帝 共六百四十四年

成湯太甲及沃丁。太庚小甲雍己承。太戊仲丁外
壬嗣。河亶祖乙祖辛繩。沃甲祖丁南庚立。陽甲盤
庚及小辛小乙武丁祖庚建。祖甲廩辛次庚丁武
乙太丁帝乙紂。二十八帝商紀終。

周 三十七帝 共八百七十三年

文武成康稱盛世。昭穆恭懿孝夷厲宣王中興幽
平桓莊釐惠襄頤匡繼。定簡靈景悼敬元貞定哀
思考威烈安烈顯逮慎覲王赧至東周君始絕。

列國

列國之時首秦楚。燕魏趙韓齊為伍。
秦 二帝 共十五年 自始皇起

秦之興也維莊襄始皇吞并二世亡。

漢東漢後漢 西漢十三帝 東漢十二帝 後漢三帝 共二十七帝

百十一年 東漢一百九十六年 後漢四十二年 共四百五十年

高惠文景武昭宣元成哀平短祚年。孺子淮陽遭
賊莽光武中興明章傳和殤安順冲質續。桓靈至
獻操逆天。三國分爭昭烈正。後帝偏安漢祀延。

晉
西晉四帝 東晉十一帝 共十五帝 西
晉五十二年 東晉一百四年 共一百五
十六年

晉武惠懷愍元帝明成康穆哀帝奕簡文孝武及
安恭兩晉共傳十五世。

南北朝宋齊梁陳附北魏東魏西魏北齊北周

宋武少文孝武帝廢明蒼梧順不嗣。 八帝共
六十年

齊高武鬱海明東和帝七世齊祚終。 七帝共二
十四年

梁之高祖曰武帝簡文元敬後宣世。 六帝共九
十九年

陳武文帝臨海宣世系終於後主年。 五帝共三
十三年

北魏附紀自宋始東西相繼至梁止北齊附梁終
於陳北周附陳隋乃已。

隋 三帝 共三十八年

隋文得統昇煬帝廢墜之餘恭莫繼。

唐 二十帝 共二百九十年

高祖太宗高中睿明皇肅代德順繼憲穆敬文武

宣懿僖昭昭宣二十帝 舊

五代後梁後唐後晉後漢後周

後梁太祖與均王 二帝 共十七年

後唐莊明閔廢亡。四帝 共十四年

後晉高祖出乃畢。二帝 共十一年

後漢高祖續隱帝。二帝 共四年

後周太祖傳世宗恭帝一年五代終。三帝 共十年

宋 北宋九帝 南宋九帝 共十八帝 北宋 一百六十七年 南宋一百五十二年 共 三百一十九年

太祖太宗真仁英神哲以後徽欽行南渡高孝傳

光寧理度恭端帝昺傾 舊

遼 九帝 共二百一十九年

遼

太祖建極後唐初太宗之下世穆書景聖興宗道宗繼天祚式微國乃除

金 十帝 共一百二十年

太祖滅遼太宗治北宋淪亡熙宗立廢帝世章衛

紹王宣宗哀宗及末帝

元 十四帝 共一百六十五年

太祖太宗定憲繼世祖定鼎四海一成武仁英泰

定傳明文寧順十四世

明 十六帝 共二百七十七年

太祖之孫建文年成祖靖難付仁宣英景憲孝武
世穆神光熹愍十六傳

上附論題

首出御世

爰定三辰

古史輯要卷一

○混沌紀

盤古氏生於大荒莫知所始。混沌初分首出御世。

○三皇紀

漢史以伏羲神農黃帝為三皇恐非按諸史並以天地人為三皇取天開子地闢丑人生寅之義較確

天皇氏號天靈繼盤古御世兄弟十三人各萬八千歲

時民風沕穆居不知所在行不知所之飢就食渴就

飲悶悶然如人之方孩獸之適野耳

地皇氏繼天皇御世兄弟十一人各萬八千歲爰定三

辰以別日月。

人皇氏繼地皇御世。兄弟九人。合四萬五千六百歲。區

分天下為九。各御一區。為政教所自始。

○五帝紀漢史少昊顓頊高辛堯舜為五帝。恐非。按諸史並以伏羲神農黃帝堯舜為五帝。且全史自三皇至舜。中間相繼御世不下八十餘氏。獨紀五帝者。以其治功最著耳。

有巢氏古民穴居。患禽獸。帝構木為巢。令民居之。以避其害。

茹毛飲血

燧人氏古茹毛飲血。民未知烹。帝察五行。知空有火。麗木則明。教之鑽木取火。以為烹。○作結繩之政。立傳

遂皇有四佐

教之臺。而民以遂。故又號遂皇。○有佐四。而相道由立矣。

伏羲氏風姓。號太昊。都宛邱。今陳州。百一十五年。帝母居華胥今藍田縣。之渚。履

巨人跡。娠帝。○以木德王。作網罟。以佃漁。用充庖廚。

供犧牲。又名庖犧氏。○因河圖。畫八卦。衍六十有四。

為萬世文字祖。○造書契。制有六。一象形。二會意。三

指事。四假借。五轉註。六諧聲。使天下文字必歸六書。

○古民野合。知有母。不知有父。帝始以儷皮為禮。定

婚娶。○作荒樂。歌扶徠。斲桐為二十七絃之琴。曰離

天下文字必歸六書

煉石補天
斷鼇立極

教民樹藝五
穀
始立醫藥方
書

微。緝桑為二十六絃之瑟。○以龍紀官。後神農火紀
官黃帝雲紀

女媧氏少昊時共工氏與祝融氏戰不勝而怒。頭觸不

周山崩。天柱折。地維缺。女媧乃煉五色石補天。斷鼇
足撐地。

神農氏姜姓號炎帝。又烈山伊耆
二氏。都曲阜。百四十年。以火德王。制耒耜。教

民耕。○遍味草木。以察寒溫平熱之性。辨君臣佐使
之義。立方書療民疾。○日中為市。使民知貿易。

有熊氏公孫姓。又姬姓。號
黃帝。名軒轅。百年。始畫野。得百里之區。萬立步

得六相而天
地治

占斗綱所建
作甲子

定。欽以制民產。○得相六而天地治。蚩尤明天道。太
常察地理。蒼龍辨東方。祝融辨南方。風后辨西方。后
土辨北方。○古民視花木開謝為春秋。至是始定千
支造甲子。甲闕逢。乙旃蒙。丙柔兆。丁彊圉。戊著雍。己
屠維。庚上章。辛重光。壬元默。癸昭陽。子困
敦丑。赤奮若。寅攝提格。卯單閼。辰執徐。巳大荒落。命
午敦牂。未協洽。申涇灘。酉作噩。戌闍茂。亥大淵獻。命
容成造周天。及調歷。伶倫造律呂。太容作咸池之樂。
隸首作算數。甯封為陶正。赤將為木正。共鼓造舟楫。
邑夷造車輪。岐伯作內經。雷公究息脈。妃西陵氏教
民蠶。而一切宮室服食之制畢舉。時諸侯相侵。帝治

鳳巢阿閣
屈軼生廷

兵殺蚩尤于涿鹿。今涿州。為後世征伐始。由是民不習

偽官不懷私。人無天札。物無疵癘。虎豹不妄噬。鳳巢

阿閣。麟遊于苑。○時廷有草。見佞輒指之。名曰屈軼。

學人每稱堯舜為文明。按此則黃帝實開之。

金天氏。黃帝子。已姓名摯。號少昊。都曲阜。八十四年。以金德王。能修太昊政。

故名。帝母感大星如虹。生帝。樂曰大淵。

高陽氏。黃帝孫。號顓頊。都帝邱。今濮陽。七十八年。帝母感瑤光貫月之祥。生

帝于若水。遂以水德王。○時九黎以神怪惑天下。帝

戮之。○始造歷。以孟春月為歲首。故又號歷宗。樂曰

承雲。

高辛氏。少昊孫。名俊。號嚳。都亳。今偃師縣。七十年。帝四妃。長姜嫄。與帝祀天

生稷。次慶都。有赤龍祥。孕十四月生堯。次簡狄。有飛

燕祥。生契。樂曰九招。

陶唐氏。學子。名壽。都平陽。今晉州。一百年。帝仁如天。智如神。就如日。望

如雲。茅茨不翦。素題不斲。大路不畫。太羹不和。土簋

為飯。布衣以臨。衣履不敝。盡不更。治世五十載。萬邦

協和。帝微服遊康衢。有童謠曰。立我烝民。莫非爾極。

不識不知。順帝之則。有老人含哺鼓腹。擊壤歌曰。日

赤龍飛燕之
祥
堯仁如天

微服遊康衢

華封三祝

三年成都

出而作日入而息鑿井而飲耕田而食帝力何有于我哉及觀華封民祝曰使聖人富壽多男子按外紀堯欲禪位許由許由曰汚吾耳往水洗之適巢父飲牛于下流遂牽去曰恐汚吾牛口也後許由隱箕山終又堯時紀十日並出焦枯禾稼命羿射去其九說皆不經姑存之

有虞氏姚姓黃帝八代孫帝父瞽瞍惑于後娶并少子象嘗欲殺舜舜烝烝乂不格姦耕歷山人皆讓畔漁雷澤人皆讓居陶河濱器不苦窳所居三年成都自是元德升聞時堯以子丹朱不肖求可代己者四岳皆舉舜堯乃歷試以艱使之慎徽五典五典克從納

舉舜登庸

八愷八元

于百揆百揆時敘賓于四門四門穆穆納于大麓烈風雷雨弗迷立為相堯崩諸侯推舜即位○以土德王廣求賢自輔命禹為司空棄為后稷契為司徒臯陶為士垂為共工理共也益為虞伯夷為秩宗夔典樂龍作納言是名九官時高陽氏有才子八愷高辛氏有才子八元胥舉用之又帝鴻氏有不才子渾沌即驩少昊氏有不才子窮奇即共工顓頊氏有不才子檮杌即緡緡雲氏有不才子饕餮即三苗是為四凶胥誅戮之○立誹謗之木彈五絃之琴歌曰南風之薰兮可

解慍阜財

一夔足矣

以解吾民之慍兮。南風之時兮。可以阜吾民之財兮。樂曰韶。重黎欲增典樂者。帝曰。一夔足矣。○鳳來儀。景星出。慶雲興。南巡狩。崩于蒼梧之野。諸侯推禹卽位。

夏紀

妣姓。黃帝孫。鯀之後。都安邑。今平陽。凡十有七君。得年四百五十有八。

聲律身度

大禹

鯀子。二十七年。

以金德王。帝聲爲律。身爲度。初受命治水。痛父功不成被誅。乃焦思居外十三年。過家門不入。陸行乘車。水行乘船。泥行乘橈。山行乘橦。以開九州。度九山。通九道。而四隩可居。○懸器以招言曰。教寡

鼓鞀求諫

一饋十起

下車泣罪

人皆以堯舜

之心爲心

生寄死歸

鑄鼎以象九

州

人道者擊鼓。告事者鐸。諭以義者鐘。語以憂者磬。訟獄者鞀。每一饋十起。一沐三握髮。○出見罪人。下車泣曰。堯舜之人。以堯舜之心爲心。今寡人爲君。各自爲其心。寡人痛之。○南巡濟江。有龍負舟。帝曰。生寄也。死歸也。視龍蝦蟇耳。何懼焉。會諸侯于塗山。今懷遠縣。執玉帛者萬國。防風氏後至。戮之。○鑄九鼎以象九州。時天雨金三日。樂曰大夏。

帝啓

禹子。九年。

太康

啓子。二十九年。

時有扈氏不道。威侮五行。怠棄三正。啓滅之。荒於獵。十旬弗歸。其相后羿距之于河。弗

許歸而立仲康。

仲康太康弟。羿為相。時羲和亂於酒。亦羿黨也。王命允

侯征之。

帝相仲康子。二。羿逐王。帝邱篡位。羿臣寒浞。殺羿及王。

代之。王后緡方娠。奔有仍。后母家也。生少康。

少康相子。二。王居有仍。田一成。十里。眾一旅。修德以收夏

民。時夏舊臣靡。舉兵滅浞。而迎少康。

帝杼少康子。帝槐杼子。二。帝芒槐子。十。帝泄芒子。十

帝不降泄子。五。帝扃不降弟。二。帝廑扃子。二。

一成一旅
修德以收民

劉累豢龍

孔甲不降子。三。好鬼神。時天降雌雄二龍。劉累善擾龍

令豢之。後雌死。累潛醢以食夏后。夏后饗之。既而使

求之。累亡去。

帝皐孔甲子。帝發皐子。十

履癸發子。名桀。力能申鐵鉤索。有施氏以妹喜進。桀寵

之。為瓊室瑤臺。肉山脯林。酒池可運船。一鼓而牛飲

者三千人。以供妹喜之樂。湯放于南巢而死。

○商紀子姓。契之後都亳。今歸德州。後盤庚改號

成湯契十三世孫。名。初桀殺直臣龍逢。湯諫之。桀怒。囚

肉山酒池

成湯解網

湯德及禽獸

湯以六事自責

于夏臺已而得釋。出見人張四面網為解其三。止置一。祝曰。欲左者左。欲右者右。欲上下者上下。聽不用命者入耳。諸侯聞之曰。湯德至矣。及禽獸。○大旱七年。太史請以人禱。曰。吾所禱為民耳。若以人。請自當。遂翦髮斷爪。身櫻白茅。為犧牲狀。禱于桑林。以六事自責。曰。政不節歟。民失職歟。宮室崇歟。女謁盛歟。苞苴行歟。讒夫昌歟。言未已。大雨數千里。以莊山之金鑄幣濟民。樂曰大獲。

太甲湯孫三沃丁太甲子二太庚沃丁弟二

桑拱于朝

小甲太庚子雍己小甲弟

太戊雍己弟七臺有桑生于朝。至暮大拱。伊陟曰。妖不

勝德。太戊修德三日而桑死。○三年。四夷重譯至者

七十六國。重復曰重。傳四夷之言曰譯。

仲丁太戊子外壬仲丁弟河亶甲外壬弟祖乙河亶子

祖辛祖乙子沃甲祖辛弟二祖丁祖辛子三南庚沃甲子二陽甲祖

子七

盤庚陽甲弟二初河屢決。都亦屢遷。至是又決。乃作誥

論民復都亳改號殷而商復興。

小辛盤庚弟二 小乙小辛弟二

武丁小乙子號高宗五十九年 恭默思道夢上帝賚良弼乃繪形旁

求天下得傅說于版築立為相。祭成湯有雉升鼎

耳而雉也。夷人重譯來朝獨鬼方不廷伐之三年乃

克商道中興。

祖庚武丁子 祖甲祖庚弟三 廩辛祖甲子 庚丁祖甲次子二十

武乙庚丁子 為木偶人號曰天神令人與搏不勝戮之

夢帝賚良弼
雉升鼎而雉

○為革囊盛血仰射之日射天。○獵于渭雷震死

太丁武乙子

帝乙太丁子 帝三子長微子啓為庶生季受辛乃嫡也

辛母知其暴不可立請立啓太史爭之曰有嫡不可

立庶乃立受辛辛母可謂賢矣商祚之斬非太史誤之歟

紂帝乙子名受 才力過人智足飾非言足拒諫視天下

皆出已下。○始為象箸箕子歎曰彼為象箸必為玉

盃。○伐有蘇氏以妲己獻王寵甚作靡靡之樂北里

之舞宮中九市為長夜飲。○以周侯昌九侯鄂侯為

拒諫飾非
象箸玉盃
伐有蘇獲妲己
宮中為長夜飲

一物足以釋
西伯
獻地請除炮
烙之刑

聖人心有七
竅

麥秀之歌

三公九侯進女子于王。女不喜淫。殺女及九侯。鄂侯爭之。亦被殺。周侯聞而歎。崇侯虎言之。王遂囚周侯于羑里。散宜生以美女獻王。王曰：此一物足釋西伯。乃釋囚。西伯獻洛西地。請除炮烙之刑。許之。造鹿臺以聚財。鉅橋以貯粟。比干諫之。王怒曰：渠自謂聖矣。聞聖人之心七竅。遂剖以視其心。西伯發舉兵伐王。前徒倒戈。王奔鹿臺。衣寶玉自焚。箕子過故墟。歌曰：麥秀漸漸兮。禾黍油油兮。彼狡童兮。不與我言兮。殷民間之皆涕。史云：微子抱器奔野。非也。箕子當商亡。武王訪道。猶長往朝鮮。

若商存而歸。仲尼何以並仁之。

○周紀

姬姓。稷之後。按稷母踐巨人跡而孕。以為不祥。棄之于陌。牛馬不踐。棄之于水。飛鳥相覆。乃收養之。因名棄。後堯舉為農師。封于邠。今西安府五傳至公劉。遷邠。今邠州。又九傳至古公。遷岐。今岐山縣。又三傳至武王。有天下。初都鄗。今咸陽縣。成王遷都洛。今洛陽。凡三十七君。得年八百七十有三。

西伯得呂望于渭

文王

季歷子。名昌。雖興。王業未即王位。

呂望年八十釣于渭。今鳳翔府。西伯

出獵。卜曰：非熊。非羆。非虎。非貔。所獲伯王之輔。果遇望。載歸。尊為太公。又曰：尚父。亦名尚。嘗治沼。見死人骨。命瘞之。吏曰：無主也。曰：有天下者。天下主。有一國

西伯澤及枯骨

白魚入舟

者一國主。寡人固主也。天下聞之曰：澤及枯骨，况人乎。○虞芮之君欲訟田于王，如周見民讓畔，慚曰：吾所爭，周人所耻，乃還。史稱西伯陰行善政，非也。八百來會，即武王猶出不期，况文王。

武王文王子名觀兵孟津。今孟津縣。渡河，白魚躍入舟。既渡，有火光下覆王屋。時諸侯不期而會者八百。越二年，陳師救野，伐紂，夷齊扣馬諫曰：父死不葬，爰及干戈，孝乎！以臣弑君，忠乎！太公曰：義人也，扶去之。後餓死首陽山。歌曰：登彼西山兮，采其薇矣。以暴易暴兮，不知其非矣。神農虞夏，忽焉没兮，我安適歸矣。吁嗟殂

縱馬放牛

兮，命之衰矣。○王即位，釋箕子囚，表商容閭，封比干墓，散鉅橋粟，發鹿臺財，縱馬于華山，放牛于桃林，偃戈收甲，示不復用。凡古帝王後，與一時功臣同姓，無不錫土。○王疾，周公禱于先廟，請以身代。史氏藏其稿于金滕，樂曰：大武。

成王

武王子名誦

王幼，周公負扆代政。

三叔

管叔、蔡叔、霍叔。流

言曰：公將不利于孺子，遂與武庚紂反。公奉命討之，因居東。時王亦疑公，及啓金滕，見禱詞，乃泣迎歸。○與弟叔虞削桐葉為珪，戲曰：以此封若。史佚曰：天子

天子無戲言

重譯來朝

海不揚波

中國有聖人

指南車

九府圖法

無戲言。遂封唐侯。○交趾重三譯來朝。公曰：德澤不加，君子不臣其人。譯曰：天無烈風淫雨，海不揚波，三年矣。意中國有聖人乎？故入朝。夷人迷歸路，公制指南車以導之。○遷都洛而定鼎于郊鄩。即洛地，鼎禹所鑄，三代寶傳。○太公立九府圖法。圓通之法也。以足國用。○太公治齊。五月報政曰：尊賢尚功。周公聞之曰：後必有篡其國者。伯禽治魯。三年報政曰：尊賢親親。太公聞之曰：後世寢弱矣。○周公訓伯禽曰：吾一沐三握髮，一飯三吐哺，天下士至者千百人，始得三士焉。汝慎毋以

國驕人

思故懷棠

康王。成王子，名釗，二十六年。召公治西方，聽訟于隴陌，嘗廬棠樹

下，公死，民思之，不忍伐棠，為作甘棠歌。

昭王。康王子，名瑕，五十一年。王巡狩濟漢，漢人以膠膠船，至中流

膠液，王溺死。

先王耀德不觀兵

穆王。昭王子，名滿，五十五年。欲征犬戎，祭父諫曰：先王耀德不觀

兵，勿聽。竟征之，得四白狼、四白鹿，以歸。犬戎自是不

復朝。○命呂侯作祥刑書，誥四方。按祥刑一書，猶庶幾泣罪解網之意。

共王。穆王子，名繁，十二年。

作祥刑書以誥四方

懿王共王子名懿是時王室既衰詩人作刺

孝王懿王弟名辟非子飛廉孫善參馬命主馬汧渭之間

馬大蕃以有功封秦使續伯益後初舜封伯益于秦時大雹

牛馬死江漢俱凍按秦初封而災遂見蓋履霜之兆也君子痛周祚而謂孝王自貽伊

戚耳

下堂見諸侯

夷王孝王子名夷十六年覲禮不明王始下堂見諸侯○征太原獲馬千匹以還

芮良夫諫專利

厲王夷王子名胡十七年榮夷公好利王任之芮良夫諫不聽○國人謗王使衛巫監之有告必殺道路以目莫敢

監謗弭謗

防口甚于防川

言王喜曰吾能弭謗矣召公曰障之也防民之口甚于防川川壅而潰所傷必多不聽後民羣起攻王王奔彘尋崩

二相共理國事

宣王厲王子名靜四十六年周公召公非前周召相與輔王海內翕然

向風○王不籍千畝虢公諫曰民之大事在農怠農

匱民將何以國○王晏起姜后脫簪珥待罪曰好色

而怠政亂之生也自妾始王由是勤政卒稱中興○

將殺其臣杜伯而非其罪伯之友左儒爭之再四王

曰易而言則生不易則死儒曰士不易言而求生遂

士不易言而求生

左儒死于杜伯

殺杜伯左儒死之

幽王宣王子名宮西周山川震岐山崩伯陽父曰洛竭

夏亡河決殷亡周其衰乎○夏末有褒人神化為二

龍言于廷夏后殺之藏其糝龍津于積厲王發視之

化為龜有童女遇之輒孕至宣王時生一女懼而棄

之時童謠曰壓弧弓箕服矢囊實亡周國王下令凡

鬻此者戮適夫婦以鬻此逃見所棄女收奔褒女長

褒人獻之王寵甚因廢申后及宜白而立褒姒與伯

服姒褒姒不好笑王誘之萬方無故舉烽火諸侯皆

壓弧箕服

舉烽火戲諸侯

遣兵伐申

東周

至姒乃大笑初宜白奔申王欲殺之因伐申申侯與西戎伐王王舉烽諸侯不至以前誰之故也遂殺王諸侯迎宜白立焉

平王幽王子名宜白五十二年以豐鄩逼犬戎乃東遷洛而西周亡

自是諸侯日強按孔子春秋始于魯隱元年即平之四十九年

桓王平王孫名琳二十三年王伐鄭鄭射王中肩○管仲相齊作

內政寄軍令以成富強而齊遂伯桓尊之為仲父○

管仲與鮑叔交每分利多自與叔不以為貪知仲貧

也嘗戰北叔不以為怯知有老母也仲曰生我者父

作內政而寄軍令

知我者鮑子

齊楚盟于召陵
鶴乘軒

天威不遠顏咫尺
晉侯請隧

母知我者鮑子也

莊王

桓王子名
胡齊五年

惠王

釐王子名閔
二十六年

于召陵。○狄人伐衛。衛懿公好鶴。鶴有乘軒者。將戰。國人皆曰。使鶴。衛師敗。遂為狄所滅。

襄王

惠王子名鄭
三十二年齊桓會葵邱。今考城縣王使宰孔致胙。命

無下拜。桓曰。天威不遠顏咫尺。乃下拜登受。○狄伐王。王奔鄭。晉文公奉王歸。以有功于王。欲請隧。王曰。此王章也不許。晉文乃止。

頃王

襄王子名
壬辰六年匡王。頃王子名
班六年

定王

匡王弟名瑜
二十一年楚莊公伐陸渾。觀兵于周郊。王使王

孫滿勞之。楚子問鼎之輕重大小。對曰。在德不在鼎。周德雖衰。天命未改。鼎未可問也。楚子慚退。

簡王

定王子名
庚十四年晉屠岸賈滅趙朔。朔有遺腹子武。賈索

之急。朔客程嬰公孫杵臼謀曰。立孤與死孰難。嬰曰。死易。立孤難。白乃取他兒匿山中。嬰誑賈曰。與我千金。告以趙氏孤處。賈殺杵臼及他兒。而真孤得免。後十五年武長。嬰與共謀滅賈。

楚子問鼎
在德不在鼎

立孤與死孰
難

六官之長皆
民譽
和戎五利

靈王簡王子名泄晉悼公年十四甚賢六官之長皆民譽遂復伯業時悼公欲伐戎魏絳陳和戎五利公從之○二十一年孔子生至敬王四十一年卒葬魯北泗上

古之遺愛

魯人為秦六代之樂周禮盡在魯

景王靈王子名貴子產相鄭一年民怨曰孰殺子產吾其與之三年誦曰子產而死誰其嗣之子產卒仲尼聞之曰古之遺愛也○吳季札聘魯請觀周樂魯人為秦六代之樂○晉使韓宣子來聘見易象春秋諸書曰周禮盡在魯矣

覆楚復楚包胥如秦乞師

敬王景王子名丐楚人伍員父為楚平王所殺員曰我必覆楚員之友申包胥曰我必復之員說吳伐楚鞭

平王屍包胥如秦乞師秦王哀之為賦無衣遂出師敗吳○孔子為司寇有子訟父者赦之季孫曰司寇欺余嘗云治必先孝今赦之何哉孔子聞之曰罪不在民也○孔子相定公會齊景公于夾谷齊人奏夷樂劍戟而前孔子責卻之景公慚懼乃歸所侵汶陽地以謝○孔子攝相事七日誅少正卯魯大夫曰人有五惡竊盜不與焉心逆而險行僻而堅言偽而辨記

墮三都

麋裘之謗

子路治蒲三善

醜而博。順非而澤。五者卯兼有之。○孔子使子路為季氏宰。墮三都。費邑。郕邑。成邑。皆三桓私立也。○孔子司寇三月。男女別于途。道不拾遺。魯大治。其初謗之曰。麋裘而鞞。投之無戾。鞞之麋裘。投之無郵。至是誦之曰。衮衣章甫。實獲我所。章甫衮衣。惠我無私。○子路治蒲。孔子過之。入其境。田野治。曰善哉。恭敬以信矣。故民盡力。至其庭。甚清閒。曰善哉。明斷以察矣。故民不擾。○孔子謂子路曰。試注水焉。中則正。滿則覆。夫物烏有滿而不覆哉。子路曰。持滿有道乎。子曰。聰明知睿。守之

以愚。功被天下。守之以讓。勇力振世。守之以怯。富有四海。守之以讓。○老子楚人也。李姓。名耳。又名聃。為周下吏。

孔子如周。問禮于聃。聃曰。良賈深藏若虛。君子盛德容貌若愚。孔子曰。鳥吾知其能飛。獸吾知其能走。走者可以網。飛者可以矰。至于龍。吾不知乘風雲而上天也。老子其猶龍乎。○孔子適宋。習禮檀樹下。桓魋惡而伐其木。適鄭。鄭譏曰。東門有人。其顙類堯。其項類臯陶。其肩類子產。其腰以下不及禹三寸。纍纍然若喪家之狗。將適趙。臨河聞舜華見殺。晉賢大夫。歎曰。吾

臨河興歎

西狩獲麟

熒惑守心

之不濟此命也。遂反魯作春秋。以西狩獲麟遂絕筆。
○熒惑守心。心宋之分野。宋景公憂之。司星者請移于民。
景公曰：民吾子也。司星者曰：君有仁言矣。何憂。熒惑
果移三度。

元王

敬王子名

初吳越戰于檣李。吳王為越所殺。其子

夫差常使人呼曰：而忘越王之殺而父乎。三年敗越

于夫椒。

今常州

越王句踐使人行成。許之。伍員曰：越十

年生聚。十年教訓。二十年之外。吳其為沼乎。越王歸

臥薪嘗膽。修政二十餘年。乃伐吳。吳亦行成。范蠡不

臥薪嘗膽

生聚教訓

范蠡乘舟五湖

御相布衣之極

可。吳王自刎。○范蠡知越王未可久事。乃變姓名為
鴟夷子皮。泛湖去。後齊聘為相。喟然曰：家致千金。官
居卿相。布衣之極也。遂解印散其金而隱陶。又名陶
朱公。

貞定王

元王子名介

考王

貞定子名

王以周微。力不能

支。乃封其弟于河南。為西周公。封少子于鞏。為東周

公。○陳公子完奔齊。齊立為臣。賜姓田氏。為後田和

祖。

威烈王

考王子名午

晉六卿

魏氏韓氏趙氏晉氏范氏中行氏

共分晉

初命三晉為諸侯

使尹鐸為晉陽令
繭絲保障

沉竈產蛙

豫讓義士

漆身吞炭

將以愧人臣懷二心

地而魏韓趙請為侯。王許之。六卿分晉，天子既不能討，而又寵錫之，後此何焉。趙簡子使尹鐸令晉陽。鐸曰：繭絲乎？保障乎？曰：保障哉！尹鐸乃損其戶數。使滅賊也。及襄子，簡子即位，智伯求地弗許，智伯合韓魏攻之。襄子走晉陽，三家圍而灌之，城不浸者三版。沉竈產蛙，民無叛志。襄子使張孟談潛約二家，共滅智伯，分其地。襄子漆智伯頭為飲器。伯臣豫讓欲報之，挾匕首入襄子宮，為左右獲。襄子曰：義人也，舍之。讓又漆身為癩，吞炭為啞，乞于市，期必報。曰：吾以愧天下後世為人臣懷二心者。

豫讓不忘國士之遇
過廬必式
文侯不失虞人之期
君仁則臣直

後伏橋下。襄子過之，馬驚，遂殺讓。○初，讓欲報襄子，五起不中。人曰：子嘗事中行氏，智伯滅之，不以報，今必為智伯死，何也？曰：中行眾人遇我，我眾人報之；智伯國士遇我，我國士報之也。○魏文侯師卜子夏田，子方每過段干木廬，必式。世號文侯三友。○文侯與羣臣飲，會天雨，命駕將適野，眾止之。文侯曰：吾與虞人期獵矣，可不一會哉？遂往。○文侯問曰：我今何如？主皆曰：仁君。任座獨曰：君嘗得中山，不以封其弟而封子，豈仁乎？文侯怒，問翟璜。璜曰：仁君。君仁則臣直。

任座言直

子方不禮子擊

貧賤驕人

向者任座之言直是以知之。文侯召任座為上客。○
子擊文侯子道遇田子方。子方不為禮。擊曰：富貴者驕人乎？貧賤者驕人乎？子方曰：貧賤驕人耳。富貴安敢驕人？國君驕則失國，大夫驕則失家，夫士貧賤者不合則納履而去，安往不得貧賤哉？○文侯與田子方飲，侯曰：鐘聲不比乎？左高。子方曰：聞君明樂官，不明樂音。今君審於音，恐聾于官也。○文侯卜相于李克，曰：魏成、翟璜孰可克？曰：居視其所親，富視其所與，達視其所舉，窮視其所不為，貧視其所不取，五者足以

三人皆君師

吳起殺妻求將

司馬穰苴弗能過

吳起吮卒

定之。乃相成璜不悅。克曰：成所進三人。子夏子方，于木。君師之子所進五人。李克、吳起、樂羊、西門豹、屈侯附。君臣之子惡得比成也。璜默然。○魯欲將吳起，魏人攻齊，疑其妻齊女，遂殺妻。求將大破齊，或言曰：起嘗不奔母喪，今又以將殺妻，忍人也。起懼，奔魏。李克曰：起雖貪淫，然用兵即穰苴，莫過。魏將之攻秦，拔其五城，起為將，能與士卒同甘苦，卒有患疽者，起為吮之。嘗觀樂羊為將，食子示威，易牙主庖烹子獻主，起真其流哉。呂氏曰：起貪人，何與卒同甘苦？以貪功名也。猶漁人以餌致魚，非肯捨餌，志在魚也。貧也。安王威烈王子名齊田和遷其君康王海上，自求為侯。

吳起勸武侯
修德

在德不在險

舟中之人皆
敵國

吳起田文論
功

王許之。○魏武侯擊子浮西河，謂吳起曰：美哉山河之固也。起曰：昔三苗左洞庭，右彭蠡，禹滅之；桀右太華，左河濟，伊闕在其南，羊腸在其北，湯滅之；紂左孟門，右太行，常山峻其南，大河經其北，武滅之。蓋在德不在險。苟不德，舟中皆敵國也。○魏相田文、吳起爭曰：將三軍，使士卒樂死，孰與起？治百官，實府庫，孰與起？守西河，秦人不敢東向，孰與起？三者出吾下，位乃加吾上，何也？文曰：主少國疑，方是之時，屬之子乎？屬之我乎？起懼奔楚，立為相，多廢公族，共殺之。○子思薦

官人猶用木

二卯棄干城
之將

母在政身未
敢許人

齊侯來朝
天下益賢威
王

苟變。衛侯曰：嘗賦于民，食人二雞。子思曰：官人猶用木，杞梓連抱，而有數尺之朽，良工不棄。今以二卯棄干城之將，不可使聞鄰國也。○嚴仲子與韓相俠累隙，仲子聞聶政俠，以金百鎰為政母壽，欲得政報。累政曰：母在政身未敢許人也。母卒，政往刺殺累，自破面決眼，出腸而死。韓人暴其屍，政姊往哭曰：此軀人聶政也，何愛妾身而沒弟之名乎？亦自死。

烈王安王子名時周室微甚，齊威王獨來朝，天下益賢威王。○齊威王語卽墨今膠州大夫曰：子令卽墨毀言

烹阿封卽墨

年少有奇才

孝公布德修政

衛公孫入秦

日至。至視卽墨不然。是子不賂吾左右也。語阿今東平府大夫曰。子令阿譽言日至。至視阿不然。是子賂吾左右也。遂封卽墨大夫。烹阿大夫。及左右嘗譽者。自是莫敢飾非。齊大治。

顯王

烈王弟名扁。四十八年。

魏相公叔痤語惠王曰。衛鞅年少有

奇才。君如不用。必殺之。毋令出境。○山東諸國皆擯秦。不與盟。秦孝公發憤修政。欲以強國。有衛鞅入秦。說孝公變法。秦人不悅。鞅曰。民不可慮始。可與樂成。論至德者不和于俗。成大功者不謀于衆。公曰善。欲

徙木立信

齊魏會田于郊

齊王賢賢

下變法令。

卽今保甲連坐法。

恐民未信。立三丈木于南門。募

民能徙北門五十金。一人徙之。輒與。令初下。太子犯之。鞅曰。太子不可刑。刑其傅。公子虔。公孫賈。明日秦人皆趨

令。十年道不拾遺。野無盜賊。秦大治。昔齊桓不肯曹沫之盟。晉文不

貪伐原之利。文侯不失虞人之期。秦幾迫之。但強秦者。缺亡秦者。亦缺。後扶蘇賜死。不敢自不韋。作令書懸都門。令增減一字者千金。卒莫敢易。非以法哉。○齊威王魏惠王會于田

惠王曰。寡人有照車十二乘。珠十枚。威王曰。寡人有檀子守南城。楚人不敢寇。盼子守高唐。趙人不敢漁于河。黔夫守徐州。則燕趙賓從。種首備賊盜。而道不

四臣照千里

明主愛一嘖一笑

治秦與五殺大夫孰賢

拾遺此四臣者將照千里豈特十二乘哉惠王慚○
韓昭王有傲袴命藏之待有功者曰明主愛一嘖一
笑况傲袴哉○衛鞅立阡陌法以有功秦封商於十
五邑號曰商君刑甚酷嘗臨渭水論囚水盡赤○衛
鞅問趙良曰我治秦與五殺大夫孰賢良曰千人諾
諾不如一士諤諤請正言之五殺治秦暑不張蓋勞
不坐乘一救荆禍三置晉君併國十二死之日秦民
皆涕君之治秦陵公族殘百姓公子虔杜門不出八
年矣秦王一旦捐賓客起而謀君者豈微哉孝公卒

公子虔等以篡論鞅裂其屍以鞅係五馬鞭之使裂魏使龐涓

齊伐魏以救

韓孫臏滅竈

大樹白書

蘇秦說六國

雞口牛後
擊擊肩摩

伐韓韓求救於齊齊以孫臏伐魏臏至魏令軍曰滅
竈誘之兵每一竈兵死則竈滅涓喜曰知齊兵素怯入吾地三
日亡者過半併日追之臏伏兵馬陵今大名斫樹橫道
書龐涓死此樹下六字令萬弩夾道以火為號涓夜
至樹下以火燭之萬弩俱發涓自刎太子虜○蘇秦

齊洛陽人初以衡術說秦不用去說趙資輿馬遍說五國
說辭詳見國策其說趙畧云秦之不兵趙畏韓魏議
其後也約五國以攻秦則秦不敢出函谷窺山東矣
說韓畧云寧為雞口毋為牛後以韓之強而有牛後
之名臣竊為大王羞之說齊畧云齊四塞之國車轂

蘇秦做齊為
張儀說六國

擊人肩摩連衽成帷。揮汗成雨。乃欲西事秦。竊為大
王不取也。其說楚畧云。帶甲百萬。粟支十年。伯王之
藉也。從成則諸侯割地事楚。衡成則
楚割地事秦。此兩策者。相去遠矣。立為從約長。相
六國。初秦說秦歸嫂。不為炊。妻不下機。及相六國。昆
弟妻嫂。俯伏不敢視。秦曰。何前倨後恭也。嫂曰。季子
位高金多也。越二年。秦使犀首公孫衍約齊攻趙而從
解。趙王讓秦。秦走燕。欲報齊。語燕王曰。臣居燕不能
使燕重。在齊則燕重。乃詐奔齊。誘王窮奢以做齊。齊
大夫與秦爭寵。刺殺之。○張儀相秦。以衡術說六國。
詳見國策。其說魏畧云。梁地四平無名山。大川之限。
地勢固戰場也。今親兄弟。尚有爭錢財相殺傷。乃恃

孟嘗名重天
孟嘗君養士
狗盜雞鳴

反覆蘇秦之謀。欲無危得乎。其說楚畧云。合六國以
攻秦。何異驅羣羊而攻猛虎。其不格明矣。又云。連雞
不得俱。令割地事秦。後儀與秦隙。諸侯皆畔。儀復相
魏卒。○田文齊王侄號孟嘗君。廣招遊士。食客數千
人。名重天下。秦聘為相。或譖曰。孟嘗先齊而後秦。秦
其危哉。王囚孟嘗。孟嘗求釋于王幸姬。姬欲得狐白
裘。孟嘗曾獻之其客善狗盜。入王宮盜出獻姬。乃釋
及至關。關法雞鳴出客。客有善雞鳴。野雞聞之皆鳴。
乃得脫。

慎靚王顯王子。名燕相子之欲得燕權。使蘇代蘇秦弟佯

燕王屬國子之

投杼下機

信臣不如其母

謗書一篋

致士先從隗始

言曰。燕不任其臣。無能伯也。燕王噲遂任子之。禪其國。而燕大亂。齊取之。燕叛。共立太子平為王。即昭王。秦使甘茂伐韓。茂曰。魯有與會。參同姓名者。殺人。人告其母。織自若。乃三告。則母投杼而走。臣之賢不若參。王之信臣不如其母。恐大王之投杼也。昔魏文侯中山拔之。得謗書一篋。文侯不信。以示樂羊。其致成功宜也。○燕昭王修政。命郭隗求賢。隗曰。古以千金求千里馬。馬已死。涓人買其骨。還君。怒。涓人曰。死馬且買。况生乎。不期年。千里馬至者三。王欲致士。請自隗始。况賢于隗哉。遂師事隗。

樂毅伐齊

王蠋死節

田單火牛

田單攻狄不克

士爭趨燕。樂毅劇辛往焉。○樂毅破齊。聞王蠋賢。使人請之。蠋曰。忠臣不事二君。乃縊。毅封其墓。半歲下。齊七十餘城。獨莒。即墨未下。樂毅老之。或譖于昭王。曰。呼吸下七十城。今三年不拔。二邑。欲久仗兵威。收齊眾南面耳。昭王遂立毅為王。毅泣辭。昭王卒。惠王惑于田單。反間計。使騎劫代毅。毅奔趙。田單用火牛計。取刃束牛角。取葦束牛尾。火其尾。牛奔。軍盡觸死。大敗燕七十城。復焉。○田單攻狄三月不克。歸問魯仲連。仲連曰。將軍在。即墨坐則織。費立則杖錡。將軍有死之心。士卒無生之

氣故捷。今將軍有夜邑之奉，滙上之娛，有生之樂，無死之心，故也。單乃厲氣循城，立矢石之所，狄人乃下。

報王慎親子名延平原君趙王弟食客數千人，有公孫龍

堅白異同之說

臧三耳

左氏易胥靡

屈原作離騷

趙相如完璧歸

者能為堅白異同之說，與孔穿論臧三耳甚析。○衛胥靡亡之，魏君以左氏易之，左右曰：以一都買一胥靡，可乎？君曰：法不立，誅不必，雖左氏無益也。○屈平即屈原任楚，以讒見斥，平作離騷，辭悟王，王不悟，遂懷石投汨羅江死。○趙王得和氏璧，楚人卞和以璧獻楚，荆其足，後獻趙秦約以十五城易之，藺相如捧璧往秦，秦無意與城

秦趙會于澠池

相如請秦王擊缶

相如屈廉頗

廉頗負荊請罪

器南兵至

相如默令懷歸，而以身待命于秦。秦王賢而禮歸之。○秦趙會飲澠池，秦王請趙王鼓瑟，相如亦請秦王擊缶，王不欲，相如曰：五步之內，臣得以頸血濺王矣。秦王乃擊，趙王歸以相如為上卿，位居廉頗右，頗欲辱之，相如每望見頗，輒避，曰：以秦之威，我廷叱之，獨畏廉將軍哉？顧秦不敢兵趙，以吾兩人在，今兩虎鬪，必一斃，吾且先國事而後私仇也。頗聞之，肉袒謝罪，遂成刎頸交。○楚欲伐周，周使人言曰：裂其地，不足富國，得其民，不足強兵，而有弑其主之名，恐器南則

遠交近攻

韓魏天下之樞

兵至矣。大王何利焉。乃止。○范雎魏人入秦。說曰。以秦之大。制諸侯。猶驅韓盧韓地之犬。名盧。極猛。搏寒兔也。今不如遠交而近攻。則得尺王之尺。得寸王之寸。夫韓魏天下之樞也。親之以威。楚趙附。則齊附。而韓魏因可收矣。王悅。以雎為客卿。按秦王天下全在雎之一說。六國惟不知樞耳。○魏使須賈至秦。初。范雎同須賈使齊。賈疑雎私于齊。歸告魏相齊。齊折其肱。拉其齒。雎詐死。置廁中。賂守者得脫。更名張祿入秦。至是微行見賈。賈曰。范叔一寒至此。乃取綈袍賜之。及賈入相府。見為雎。乃謝罪。

趙括代廉頗

趙括徒能讀父書

毛遂自薦
處囊脫穎

雎曰。所不死者。綈袍戀戀。尚有故人意耳。後魏殺齊以謝雎。○秦伐趙。廉頗知莫敵。堅壁不出。秦縱反間。曰。秦獨畏馬服君趙名將之子括耳。趙王遂以括代頗。相如曰。括徒能讀父書。不知合變也。括之母亦上書具言括不可將。王不聽。竟大敗。失上黨地。趙兵四十萬。盡為秦白起所坑。○秦攻趙邯鄲。趙使平原君求救于楚。約其門下傑士以行。得十九人。餘無可取者。毛遂自薦。平原君曰。賢士處世如錐處囊。其末立見。先生未有見也。曰。使遂早處囊中。則脫穎而出。非特

利害兩言決

耳合從為楚非為趙

因人成事

平原君不敢

相天下士

仲連不肯帝秦

其未見而已。平原君與之行。至楚。楚王久不決。毛遂按劍而前曰。從之利害。兩言決耳。以楚之強。屢為秦挫。此百世之怨。合從為楚。非為趙也。楚王唯唯。與遂歃血殿上。遂以手招十九人上殿。曰。公等碌碌。因人成事者也。楚使春申君救趙。平原君歸曰。勝不敢復相天下士矣。○初秦伐趙。魏人以為便。孔斌曰。燕雀處堂。自以為安。竈突炎上。棟宇將焚。不知禍之及已也。秦收趙。魏必次之。○魏使辛垣衍說趙帝秦。魯仲連聞之。見衍曰。彼秦棄禮義而尚首功之國也。即肆

先生天下士戰國以來一人

公子竊符救趙

無忌大破秦師于邯鄲

六術五權三至

奇貨可居

然而帝。連有蹈東海死耳。衍拜曰。先生天下士也。不敢復言帝秦矣。蘇氏曰。仲連戰國以來一人也。○秦伐趙。平原君讓魏不救。信陵君魏王弟。名無忌。食客三千人。請于王。不許。客侯嬴曰。魏兵符在王臥內。苟得竊之。矯命兵可徵也。信陵君賂如姬王幸姬。竊之。率兵救趙。大破秦師于邯鄲。信陵君遂居趙不還。○荀况蘭陵人。與趙王論兵。要在附民。為將在操六術。號令賞罰等件。持五權。明三至。王善之。○秦太子妃華陽。幸而無子。夏姬生子異人。質于趙。陽翟今河南府。大賈呂不韋適趙。見之。曰。此奇貨可居。說曰。

不韋立異人于秦

太子愛華陽而無子。子兄弟二十人。子居中。不得爭立。予願以千金。令立子為嗣。異人曰。然。不韋乃厚賂華陽姊。令說曰。夫人無子。後恐愛移。今中子異人賢。誠拔之為嗣。夫人有托矣。華陽從之。異人歸。不韋以所娶美妾獻之。時妾已娠。而異人未知也。後生政。即皇。○秦攻西周。王入秦。盡獻其地。而西周亡。東周君見上考王子七年。燕將攻齊。拔聊城。或譖之燕王。燕將保聊城。不敢歸。田單攻之。歲餘不下。魯仲連為書見古。文約之。矢射城中。燕將見書。泣三日。遂自殺。齊王欲

魯仲連射書聊城

魯仲連辭爵

魏王問天下高士于子順

爵仲連。連逃之海上。曰。與富貴而絀于人。寧貧賤而輕世肆志焉。○魏安釐王問高士于子順即孔斌。順以仲連對。王曰。強作之者。順曰。作之不止。習與體成。則自然已。○秦滅東周。遷其君于陽人聚。

○秦紀嬴姓。初舜封伯益于此。後周立非子繼之。按秦滅周。六國尚存。未一統也。但就續周言耳。

附列國 楚 燕 趙 魏 韓 齊

信陵君敗蒙騫于河外

莊襄王孝文王子。名楚。又名異人。三年。秦蒙騫伐魏。信陵君久居趙。聽

毛公薛公勸歸救魏。帥五國之師。敗蒙騫于河外。按

文三日。莊襄三年。此必不韋之弒。使其子速王耳。嗚呼。秦惟知謀六國。不知己之為人謀也。蘇氏曰。六國

未亡而嬴秦先亡信哉

○後秦紀實呂姓不韋後必分後秦者以別姓氏也都咸陽今陝西凡二君得年四十混一止

十有二年

李牧北邊良將

始皇帝名政王位二十五年帝位十二年李牧趙北良將也守鴈門所

茅焦解衣伏質

收市租悉以享卒卒日受賜願一戰大破匈奴十年不敢近趙○初以呂不韋為相封文信侯號曰仲父嘗入宮與太后通懼覺乃進嫪毐于太后生二子至是事發王誅嫪毐廢太后殺其二子不韋亦自殺○太后廢諫死者二十七人茅焦解衣伏質曰陛下裂

復為母子如初

藉寇兵而資盜糧

韓非善刑名法律之學

韓非作說難

燕丹遣荆軻入秦

假父撲二弟遷母后恐桀紂不過也聞天有二十八宿願死備其數王乃迎太后歸母子如初○秦大索逐客楚人李斯亦在逐中斯上書王畧云昔穆公西得百里奚于宛迎蹇叔于宋求丕豹公孫支于晉孝公用商鞅惠王用張儀昭王得范雎而秦遂強四君者皆客之功客何負于秦哉今却客以業諸侯所謂藉寇兵而資盜糧者也乃除逐客令復斯官○韓公子非善刑名法律之學作說難諸書見古說秦因納地請藩而韓滅非子隨見殺○初燕太子丹質于秦秦不為禮丹歸欲報之聞荆軻俠賂使刺秦王懼不得近乃取樊於期頭秦將得罪奔燕故取以獻於期

圖窮而七首見

王翦伐楚

聞之遂自與燕地圖獻秦王圖窮而七首見軻把王
袖袖絕王環柱走左右曰王負劍遂拔劍斬軻大發
兵攻燕燕斬丹獻按荆軻之刺與博浪之擊皆千古
義舉惜不成耳温公謂丹之速禍
非參則齊事秦甚
謹胡為亦滅之也○秦滅趙及魏以王翦將六十萬
人滅楚明年又滅燕因令王賁將兵入臨淄誘齊王
封以五百里齊王降置之松柏之間餓死○秦并天
下自謂德冠三皇功過五帝號曰始皇帝令繼世者
由二世至萬世無窮以水德王言以水尅
周之火也易亥月為
歲首○王綰請王諸子李斯曰周封同姓甚眾故至

樹敵
秦分天下為
三十六郡
徙豪傑于咸
陽
立石頌德

張良為韓報
仇
大索十日

子房一擊之
力
築長城威震
匈奴

此今立國是樹敵也始皇乃分天下為三十六郡而
徙天下豪傑于咸陽收天下兵器鑄金人十二○始
皇幸泰山立石頌德禪梁父為壇祭
之日禪會天雨避松下
封松為五大夫遂與方士徐市入海求三神山蓬萊
等山
不死藥浮江至湘山祠舜二
后祠大風幾覆始皇怒赭其
山○張良五世相韓韓亡欲報之令力士操鉄椎擊
始皇于博浪沙中誤中副車始皇怒天下大索十日
晦菴謂椎雖誤中然已奪魄自是
陳勝輩繼起皆子房一擊之力也○盧生曰亡秦者
胡也乃隱語
指胡亥始皇乃築長城起臨洮止遼東延袤萬

秦建阿房宮

諸子誦法孔子
扶蘇監蒙恬
軍于上郡

餘里威震匈奴。○李斯請非秦紀者焚。凡藏詩書及
偶語百家。棄市所不去者。獨醫卜諸書。始皇善之。○
始皇以咸陽宮小。乃營朝宮于上林苑。先建前殿阿
房。東西五百步。上可坐萬人。下可建五丈旗。役隱宮
徒刑七十餘萬人。男子割勢。婦人幽閉。曰隱宮。○諸生四百六十
餘人。以譏訕坐坑。太子扶蘇諫曰。諸生誦法孔子。坑
之天下動矣。始皇怒。使出監蒙恬軍于上郡。○始皇
出遊崩于沙邱。趙高宦者李斯謀立胡亥。懼扶蘇。乃祕
之不發喪。詐為詔。賜扶蘇死。言監軍無功。始發喪。葬驪山

騁六驥過決
隙

陳勝起兵

王侯將相寧
有種

耳餘勸陳勝
立六國後
鼠竊狗偷不足憂

下。

二世皇帝

始皇少子。名胡亥。二年。

王曰。人生如騁六驥過決。缺也。隙

願窮樂終年壽耳。趙高曰。賢請嚴法。盡除先帝臣。則

得肆志矣。遂投舊臣。○陳勝陽城人。字涉。業耕。嘗語人曰。

苟富貴。無相忘。人笑曰。傭耕何富貴。勝曰。燕雀安知

鴻鵠志哉。王侯將相寧有種乎。至是起兵于蕘。在沛郡。

詐稱扶蘇。據陳。自立為陳王。張耳陳餘曰。是示天下

私也。莫如立六國。不聽。諸郡縣苦秦法者。亦多殺其

吏以應。○時盜紛起。左右誑王曰。鼠竊狗偷。不足憂

大丈夫當如此
東南有天子
所居上有雲
氣
劉季斬蛇

也。○劉邦字季沛人起兵于沛今沛縣。刑隆準龍顏。左股黑子七十二。有大度。不事家人生業。嘗遊咸陽。縱觀曰。大丈夫當如此。時呂公善相。見季奇之。因女焉。初始皇言東南有天子氣。季遂自疑。匿芒碭山澤間。呂后求之。每得。季問以故。后曰。季所居。上有雲氣。季嘗夜行。遇蛇斬之。後人至蛇所。有老嫗泣曰。吾子白帝子也。今赤帝子斬之。嫗忽不見。後人告季。季益自負。蕭何曹參率沛子弟歸之。立為沛公。○項梁楚將下相人。今宿遷縣。嘗殺人。與兄子籍避于吳籍。長八尺。力能扛

項羽學萬人敵

賢主必行督責之術

指鹿為馬

鼎。少學書。不成。學劍。曰。書足記名姓而已。劍一人敵也。當學萬人敵。至是殺會稽守。以梁代之。而自立為將。○田儋齊後起兵。自立為齊王。周市楚將立魏。後為魏王。韓廣趙將自立為燕王。張耳陳餘立趙。後為趙王。上因兵紛起。問李斯。斯曰。賢主行督責之術。羣臣百姓救過不暇。暇圖變哉。乃益嚴法。○趙高欲專權。誘上曰。天子所以貴者。臣下莫得見面耳。上遂居禁中。事悉聽于高。高與李斯隙。遂誣斯族之。高一日持鹿獻上。誑曰。馬也。上詢之左右。或默。或言鹿。高陰中言鹿。

張良以太公兵法說沛公沛公殆天授

范增說梁立楚後

項羽斬宋義

者以法自是莫敢有言。○張良字子房率多人道遇沛公。以太公兵法說之。無不喻。良曰。沛公殆天授。遂從之。○項梁以八千人渡江而西。沛公往焉。酈人范增今巢縣年七十。說梁曰。陳勝惟自立。故為秦滅。今君必立楚王為名。民望收矣。乃立楚後懷王為義帝。張良亦說立韓後為韓王。○上命章邯攻楚。梁羽季三人迎戰于雍邱。大破之。梁有驕色。上空國兵攻楚。楚敗。項梁死。章邯因攻趙。懷王使宋義將兵救趙。號卿子冠軍。義頓兵不進。項羽曰。國兵新破。怠緩可乎。遂殺

沉船破釜

沛公寬仁長者

沛公輟洗見酈生

陳留天下之衝

義引兵渡河。沉船破釜。持三日糧。以示必死。立破秦兵。○楚懷王約能先入關者王。羽憤欲往。諸將曰。羽慄悍。所過必殘。不可。沛公長者可使。乃遣沛公。沛公引兵過高陽。酈食其人。謁沛公。據牀洗足。酈生曰。足下誅無道秦。不宜倨見長者。沛公輟洗謝之。因請計。酈生曰。足下兵不滿萬。徑入強秦。所謂探虎穴者也。陳留今開封府天下之衝。城中多積粟。誠說之。使下。圖秦不難矣。沛公從之。果下立食。其為廣野君。每以說樹功。○趙高每言關東盜無能為。至是逼高懼誅。乃弒

二世于望夷宮立子嬰。嬰痛父被弑，遂夷高三族。沛公兵至灞上，秦兵皆靡。嬰知莫敵，遂降。眾欲誅之，沛公曰：「已降而殺，不祥。」乃屬吏。

頤 岸 潘 氏
賈 誼 樓 匪 板

古史輯要卷二

○漢紀 劉姓堯之後都長安秦舊都是為西漢滅秦五年始平楚為一統凡十三君合王莽淮陽王十六年共二百三十年

附楚義帝

楚霸王

蕭何收相府圖籍

高祖皇帝

名邦字季十二年

沛公入咸陽諸將爭取財物蕭何

獨收相府圖籍。以此沛公得知天下扼塞戶口多少之處。公見秦宮室婦女欲留咸陽。樊噲曰：「公欲有天。下耶？將為富翁耶？凡此皆秦所以亡也。」張良曰：「忠言逆耳利於行。毒藥苦口利於病。願聽噲言。」乃還軍灞上。

忠言逆耳利於行
沛公還軍灞上

約法三章

項羽定河北

志不在小

謝羽鴻門

項莊拔劍起舞

王召父老約法三章。殺人死，盜及傷人抵罪。悉除秦苛令，而吏民安堵如故。唐氏曰：不殺子嬰，約法三章，楚漢得失全在于此。○項羽既定河北，欲西入關，因秦卒多怨，羽夜坑殺二十餘萬人。○沛公遣兵守函谷，已而羽至，見關閉，大怒，攻破之。范增曰：吾使人望沛公，有天子氣，其志不在小，急擊勿失。項伯善張良，夜馳約良俱走，良不許，強伯見沛公，公厚遇伯，且曰：吾所以守關，備他盜耳，敢反乎？伯歸，約旦日速謝羽。旦日沛公來謝羽，鴻門，羽留飲，增數目羽，召項莊舞劍為戲，欲殺沛公，項伯亦舞劍以

樊噲帶劍入軍門

奪天下者必沛公

身蔽公，樊噲帶劍直入，髮上指，眦盡盡裂。羽曰：壯士，賜之酒，肉立飲，啗之。羽曰：能復飲乎？噲曰：臣死且不避，斗酒安足辭。懷王約先入關者，王沛公入咸陽，分毫無近，還灞上，以待將軍，將軍不功，是務謝而聽細人言，欲誅首功，此亡秦之續耳。公如廁，與噲間行灞上，留張良，謝羽歸。增曰：唉，豎子不足謀，奪將軍天下，必沛公也。范增之殺沛公，以有天子氣，呼果天子矣，誰能殺之。○項羽居咸陽數日，乃殺子嬰，掘始皇塚，燒秦宮，火三月不熄，取寶女東歸，曰：富貴不歸故鄉，如衣繡，夜行耳。韓生曰：人言

沐猴而冠

養民致賢

張良燒絕棧道

楚人沐猴而冠。果然。羽聞烹韓生。○項羽陽尊義帝。實不用其命。自立為西楚霸王。都彭城。今徐州。立沛公為漢王。止漢蜀等郡。三分關中。立三秦將。章邯。司馬欣。董翳。皆降將。為王。距塞漢路。漢王怒。欲攻羽。蕭何曰。姑就漢。養民以致賢。收用巴蜀。還定三秦。天下可圖也。漢王善之。以何為相。遂往漢中。張良送至國。王令良歸韓。良勸工燒棧道。路險架木而行曰棧。以絕盜兵。且示羽無東意。後楚殺韓王。良復歸漢。綱目曰。張良始終為韓。初從沛公立韓。以報秦也。韓滅復歸漢。欲報楚也。韓信淮陰人。家貧業釣。漂母憐而飯之。信曰。必厚報曰。

韓信勝下之辱

設壇拜將

一軍皆驚

三秦可傳檄而定

吾哀王孫而進食。豈望報乎。信嘗遇豪少年。侮以勝下。信不為意。初仗劍投羽。羽不用。歸漢。蕭何奇之。一日信亡去。何夜追信。眾言丞相亡去。王怒。如失左右手。未幾。何至。語王曰。信國士無雙。王欲有天下。非信不可。王乃設壇拜將。諸將皆喜。人人自以為得大將。至拜乃信也。一軍皆驚。延信上坐。信曰。項王暗啞叱咤。千人皆廢。然不任賢。匹夫之勇耳。接人多媁媁。每吝爵賞。婦人之仁耳。王誠反其道。三秦可傳檄定也。王大悅。恨得信晚。○王引兵定三秦。王陵沛人。率其黨。

陵母伏劍

漢王為義帝發喪
漢軍敗于睢水
大風天晦

歸項羽取陵母置軍中招陵陵母寄語陵曰漢王長者毋以妾故二心遂自刎○項王密使黥布弑義帝于江中按漢雖有併吞之心終不便于義帝羽何不悟為漢翦所忌也新城三老董公說漢王曰羽弑帝願王素服率諸侯兵伐之王為帝發喪合諸侯兵伐楚彭越降遂入彭城收其寶貨美人日置酒高會羽率兵還破漢軍于睢水今靈壁縣漢軍溺死者二十餘萬水為不流會大風天晦王乃得遁時太公呂后間行求漢王羽獲之置軍中為質○陳平武陽人今開封府字孺子嘗為父老宰社肉甚均曰使平宰

宰天下如是

肉

陳平美如冠

玉

計足以利國家

漢王命蕭何守關中

木罌渡軍

天下有如是肉後因魏無知見漢王授護軍中尉多受軍人賂周勃曰陳平美如冠玉其中未必有也嘗聞平居家盜嫂今又受賂王讓無知無知曰今有尾生嘗與女子約于橋下適水至溺死不去孝已高宗子至孝之行而無益勝負之數王用之否顧吾進平以其足利國家耳盜嫂受金何論乎○漢王至滎陽諸敗軍皆會漢兵復振乃東征蕭何輔太子守關中轉糧調兵未嘗乏絕○韓信攻魏魏塞臨晉信為疑兵備船欲渡而陰使伏兵從夏陽以木罌渡河直入魏已定魏地而魏兵不

韓信背水陣
立赤幟

韓信師事廣
武君

知。韓信攻趙。廣武君李左欲引兵間道。陰絕漢糧。成安君不聽。即陳餘信乃設背水陣。令二千人。人持一赤幟。夜從間道入趙。候信戰詐敗。趙兵空壁來逐。二千人直入趙壁。拔趙幟。樹漢赤幟。趙兵反驚走。漢兵來攻。大破之。信令生獲廣武君者千金。未幾縛至。信師事之。廣武曰。敗軍之將。不可語勇。信曰。百里奚居虞。虞亡。相秦。秦伯非愚虞而智秦也。用不用耳。向使成安聽公。僕就擒矣。廣武曰。狂夫之言。聖人擇焉。將軍初定趙。魏兵必疲。毋更事燕齊。臣請說下燕齊。無

酈食其謀撓
楚權

請借前箸

陳平反間

大牢具進

患矣。信從之。燕果下。酈食其議立六國以屈楚。王善之。令刻印。適張良至。王語良。良曰。陛下事去矣。請借前箸為王籌之。時主方食故借箸以指點今從王者。欲得咫尺地耳。使立六國。各歸事其主。誰與佐王乎。王輟食。令趣銷印。前日立六國。以地非吾有。借他人地。樹自己威。則可。今地皆吾地也。乃割以予人。豈不謬哉。陳平請捐金行反間。以貳楚君臣。王予金四萬斤。恣平所為。令誑項王曰。亞父龍且等。怨王不封。賜欲合漢。羽已疑之。及羽使人至漢。平令以太牢進。見羽。使佯驚曰。吾意亞父使。乃項王使也。復持去。以惡

天下事定

紀信誑楚

馳壁奪符

知天之天者
王事可成

草具進使歸語羽。羽益疑。亞父憤曰：天下事定矣。王自為之。乞骸骨歸。疽發背死。○楚圍滎陽。紀信曰：事急矣。臣請誑楚可脫。乃乘王車出東門降。楚兵皆往。東王得從西門遁。羽燒殺信。信以身代王。後論功而無一及。漢真寡恩哉。漢王由成皇北渡河。自稱漢使。馳入趙壁。時韓信張耳未起。王即其臥內奪印符。召諸將更置之。信耳起。知大驚。王令張耳守趙。韓信領兵攻齊。○漢王欲捐成皇。今河南府屯鞏洛以距楚。酈生日：知天之天者。王事可成。國以民為天。民以食為天。敖倉多粟。羽拔滎陽而不堅守。敖

天所以資漢

吾翁即若翁
漢王分羹
為天下者不顧家
數羽十罪

酈生下齊

為將不如一
豎儒之功

倉。此天所以資漢也。王從之。遂取成皇軍。廣武以就敖倉。粟楚兵食盡。語漢王曰：不急下。吾烹太公。王曰：吾翁即若翁。必欲烹。幸分我一杯羹。羽怒欲烹項伯。曰：為天下者不顧家。烹之何益。羽數挑戰。王曰：吾寧鬪智。因數羽十罪。伏弩射王中胸。乃捫足曰：虜中吾指。恐言中胸。人心動也。漢高可謂機智絕敏者矣。王病創強起以安士卒。○酈生請于王。往齊說下之。韓信聞齊下。欲引兵返。蒯徹曰：未聞詔止攻齊也。今酈生以三寸舌刻日下齊七十城。將軍以數萬兵。經歲下趙五十城。反一豎儒

囊沙壅水

躡足附耳

立信為齊王

武涉說韓信

蒯徹說韓信

不若矣。信乃攻齊。齊以酈生賣已烹之。項羽使龍且救齊。相距于濰水。信夜以囊盛沙。壅水不流。候戰詐敗。楚兵追至半渡。令決囊沙。盡溺死。而齊地平。韓信使人請曰。齊多詐之國。願為假王鎮之。王怒。陳平躡足附耳曰。今漢方不利。寧能禁信王乎。王悟。復罵曰。大丈夫當為真王。何以假為。遂立信齊王。○項羽聞龍且死。大驚。使武涉說信連和。三分鼎足。不從。○蒯徹說韓信曰。相君之面。不過封侯。相君之背。貴不可言。今楚漢兵疲。足下因而據之。天下朝齊矣。信曰。漢

時者難得而易失

楚與漢約中分天下
養虎貽患

信越期會不至

四面皆楚歌

王遇我甚厚。豈忍背乎。徹曰。勇畧震主者身危。功蓋天下者不賞。且功者難成而易敗。時者難得而易失也。時乎時乎。不再來。信猶豫不忍背漢。卒謝徹。○羽食盡兵微。乃約鴻溝以西為漢。東為楚。而歸太公呂后。以和盟。罷各去。良平曰。天方授楚。王勿取。是養虎貽患也。王遂引兵固陵。今固始縣而約韓信彭越兵共攻楚。信越不至。為楚兵所破。張良請以楚地與信。越令兩人自戰。于是信越皆會垓下。今亳州羽聞漢兵皆楚歌。大驚曰。楚盡降矣。在重圍中。夜起與虞姬飲。且悲

亭長艤船待
項羽不渡烏
江

歌曰。力拔山兮氣蓋世。時不利兮騅不逝。騅不逝兮
可奈何。虞兮虞兮奈若何。遂潰圍而出。至陰陵。今無
為田父誑。陷大澤中。復至烏陵。今和漢兵追及。羽曰。
吾八年七十餘戰。未嘗敗北。今天亡我。非戰之罪也。
立斬漢將。及兵百餘人。有亭長艤船以待。曰。江東亦
足王也。願急渡。羽歎曰。籍與江東子弟八千。渡江而
西。今無一還。縱江東父老憐而王我。我何面目見之。
遂自刎。林氏曰。高祖百戰百不勝。惟不勝一勝必王。
項羽百戰百不敗。惟不敗一敗必亡。且羽一
生病在多疑。即不渡江亦是疑。亭長耳。不則奚貴。
圍而出哉。雖然。其一種氣。所處猶令千載生色矣。

城下猶聞絃
歌聲

封韓信為楚
王

三人皆人傑
項羽不能用
范增
田橫不肯歸
漢

楚地盡平。獨魯不下。漢王至城。猶聞絃歌聲。曰。禮義
之國也。持羽頭示魯。乃下。以魯公禮葬羽。封項伯為
列侯。漢王即帝位於汜水。今山東曹縣。封韓信為楚王。
而奪齊王位。信至楚。報漂母千金。召辱已少年為中
尉。上論楚漢興亡。曰。運籌帷幄。決勝千里。吾不如
子房。鎮撫國家。餽餉不絕。吾不如蕭何。連百萬兵。戰
勝攻取。吾不如韓信。三人皆人傑。吾能用之。故興。項
羽有一范增。而不能用。故亡。田橫齊後不服。上招之。
橫率其客二人來。將近漢。自殺。上以王禮葬。二客治

臣各為其主

兩賢豈相厄

人臣無效丁

公

金城千里

扼吭拊背

張良謝病辟穀

喪畢亦死。其黨五百人聞之皆赴海死。○季布嘗逐上。上至是求之急。布藏魯朱家。使人說上曰。臣各為其主。何以私怨求人。上召布為郎中。丁公亦嘗逐上。上語曰。兩賢豈相厄哉。丁公遂還。至是謁上。上斬之。曰。使後世人臣無效丁公也。○婁敬後賜姓劉論建都曰。洛陽四面受敵。有德易王。無德易亡。秦金城千里。三面險阻。獨以一面制諸侯。乃扼天下之吭而拊其背也。羣臣皆執周王八百。秦亡二世為辭。獨張良亦主敬議。遂都長安。○張良謝病辟穀不食也。曰。臣以三寸

三十舌為帝者師

張良從赤松子遊

偽遊雲夢

狗烹弓藏

多多益善

高帝善將將

蕭何發縱指

舌為帝者師。此布衣之極。願棄人間事。從赤松子遊耳。謂良得仙術非也。良于漢高窺之深矣。故云。○韓信居楚。人以反告上。上偽遊雲夢。縛信歸。信曰。狡兔死。走狗烹。高鳥盡。良弓藏。天下已定。我固當烹。上赦之。封淮陰侯。信每稱病不朝。上嘗問曰。我能將兵幾何。曰。止十萬。上曰。卿何如。曰。臣多多益善。上笑曰。何猶為我擒。曰。陛下不善將兵。而善將將。○上封功臣。蕭何食邑獨多。功臣不服。上曰。諸君知獵乎。追殺兔獸。狗也。發縱指示人。也。眾乃服。上使張良自擇齊三萬戶。良曰。臣會陛下

陳平不背本

沙中偶語

急先封齒

詔定元功位次

蕭何萬世功
帶劍履上殿

于留封留足矣。乃侯留封陳平侯。平請及魏無知。上曰。可謂不背本矣。遂賞無知。○上懲秦孤立。乃大封同姓。卽微時外婦子亦封王。時諸將未封者坐沙中。偶語上。望見張良曰。陛下以若屬取天下。今分封不及。故相聚謀反耳。宜急取平日甚憎者封之。則若屬可安。上乃侯雍齒。諸將曰。雍齒且侯。吾輩無患矣。○詔定功次。皆首曹參。鄂千秋曰。參一時畧地功耳。陛下數困山東。蕭何每進兵給餉。獨全關中以待陛下。此萬世功也。上賜何帶劍履上殿。入朝不趨。因侯鄂

禮樂積德百年而後興
綿蕞

今日知帝之貴

陳平六出奇

計

天子以四海

爲家

劉敬議和親

千秋。○尊太公爲太上皇。羣臣以醉爭功殿上。拔劍擊柱。上厭之。叔孫通請定朝儀。魯兩生不欲曰。禮樂積德百年乃可興。通曰。鄙儒不知時變。遂率衆往野。爲綿蕞習之。○長樂宮成。羣臣朝賀。莫不肅。上曰。吾乃今知帝之貴。拜叔孫通爲太常。○匈奴寇邊。上伐之。被圍于白登。七日。用陳平計得解。平嘗從征。凡六出奇計。○蕭何治未央宮。太麗。上怒。何曰。天子以四海爲家。非此無以樹威。○匈奴入侵。劉敬請以公主妻之。上取他女爲公主。妻冒頓。乃和。○上寵戚姬。姬

周昌諫廢太子
期期不奉詔

壯士白見四人

四千戶慰趙子弟

吾悔不用蒯徹計

生如意。上欲廢太子立之。御史周昌多口踰。曰陛下廢太子。臣期期不奉詔。上笑。立如意為趙王。因以昌相之。○陳豨反。上親征之。命周昌選趙壯士可將者。昌白見白于王使見也四人。上罵曰。豎子能將乎。既而各封千戶。左右訝之。上曰。豨反。趙地皆豨有。何愛四千戶。不以慰趙子弟。時韓信舍人告信與豨全謀。呂后蕭何給信入朝。斬之。信曰。悔不用蒯徹計。乃為兒女子詐。遂夷信三族。上返。問呂后曰。信死何言。曰。言悔不用蒯徹計。上捕徹至。曰。若教淮陰侯反乎。徹曰。

高材疾足先得
得狗吠堯

樂布哭彭越

陸賈稱說詩

馬上安事詩

陸賈新語

樊噲排闥直入

然秦失其鹿。天下共逐疾足者先得焉。跡之狗吠堯。堯非不仁。狗固吠非其主耳。上赦之。○上初征陳豨。徵彭越兵不至。遂夷三族。樂布哭之上。欲烹布。布曰。陛下困樂陽。微夫人之力不至此。今以小故誅之。恐功臣人人自危也。上拜布都尉。○陸賈時時稱說詩。書上罵曰。乃公也。自稱居馬上得之。安事詩。書賈曰。寧能馬上治之乎。乃述古興亡十二篇以進。號曰新語。○上疾臥禁中。詔戶者弗入。羣臣樊噲排闥直入。見上枕宦者臥。泣曰。陛下不見趙高乎。上笑起。○

三人同功一體
薛公料黥布

過魯以太牢
祀孔子
四百年精神
命脈在此

以沛為湯沐
邑
太子天下本

黥布反。薛公曰：信、越、布，同功一體之人也。上誅信、越，布疑禍及，故反耳。使布出上計，山東非漢有。中計勝，敗未可知。下計陛下安枕矣。然布必下計，上征平之。
○上過魯，以太牢祀孔子。漢家四百年精神全在于此。○上過沛，召親故與飲，上擊筑而歌曰：大風起兮雲飛揚，威加海內兮歸故鄉。安得猛士兮守四方。且泣曰：其以沛為朕湯沐邑。薄收其賦，僅供湯沐。○上病，欲易太子，叔孫通曰：必欲易，臣請以頸血污地上。曰：戲耳。通曰：太子天下本本，搖天下動，奈何以天下戲乎？呂后召張良畫計。

上不能致者四人

四皓羽翼太子
相國為民請
苑
真宰相事

良曰：上不能致者四人。東園公、綺里季、夏黃公、用里先生。今致之侍太子，則太子重。上見四皓，驚曰：公等何遠我？從吾兒乎？曰：陛下善罵，臣等義不辱。故匿聞太子仁孝慈敬，天下延頸有日，故從之。上指示戚夫人曰：羽翼成矣，莫能易也。○蕭何以上林苑多空池，請令民入田，上疑其受賂，械係之。王衛尉曰：有便于民，請之。真宰相事，如以利相國守關中，稍搖足關以西，非陛下有也。彼不以此時利，今利細人金乎？乃釋。昔田子方之馬者，欲棄之，子方曰：少服其力，老而棄焉，吾不忍也。遂以金贖，夫一馬且然，况開國之相乎。○上病

安劉必勃

人彘

曹參遵何約

篤語呂后曰。相國死。曹參可代。王陵少戇。陳平可佐之。平雖智有餘。然難獨任。周勃重厚少文。安劉氏者必勃也。遂崩。

孝惠帝

高祖長子。名盈。七年。

太后酖殺趙王。斷戚夫人手足。去眼。

輝耳。飲瘖藥。使居廁中。號曰人彘。召上觀之。大驚曰。此非人所為。朕何以治天下。遂日飲樂不聽政。蕭何病。上問誰可代相。何曰。曹參。嘗與何隙。至是聞何死。告舍人治行。曰。將入相。頃之。果召參為相。一遵何舊政。民歌曰。蕭何為法。較若畫一。曹參代之。守而

清靜寧一

後世賢師吾儉

太后欲王諸呂

王陵面折廷諍

弗失載其清靜。民以寧壹。蕭何為相。不治恆產。曰。後世賢師吾儉。不賢無為。世家所奪。匈奴遺書。高后無狀。后欲征之。季布曰。言雖惡。何足計。乃善其辭。以復匈奴。慚謝。書畧云。兩主不樂。無以自娛。以其所有。易其所無。

高皇后

呂氏。名雉。高帝后。惠帝母也。惠帝無子。高后取他氏子繼之。惠帝崩。立為少帝。高后代政。八年。

○史係統高后者。高后王諸呂。俱后弟。王陵曰。高帝見少帝非劉也。

刑白馬盟曰。非劉氏後者無王。陳平周勃聽之。陵退讓。平勃曰。白馬盟。諸君不在耶。平勃曰。廷諍臣不如君。安劉氏後。君恐不如臣。按高后幸先平勃死耳。若後死。二子如此言何哉。程

人臣之義當以王陵為正。劉章以軍法行酒。

平勃相結

酈寄說呂祿以兵屬太尉劉氏左祖

子曰。人臣之義。當以王陵為正。○劉章念諸呂擅權。嘗入侍宴。請以軍法行酒。后許之。時諸呂有醉逃者。章追斬之。自是諸呂稍下。章嘗託歌云。深耕溉種。立苗欲疏。非其種者。鋤而去之。后亦心畏章。○陳平患諸呂。陸賈曰。天下安。注意相。天下危。注意將。將相調。則權不分。而變可弭矣。乃交驩太尉。○太后崩。諸呂欲篡。時兵權盡屬呂祿。周勃令酈寄。○說祿以兵權屬勃。勃入軍。令曰。為呂氏右祖。為劉氏左祖。軍中皆左祖。勃遂將北軍。悉捕諸呂。斬之。○羣臣皆言少帝

王者無私

詔議賑恤除挾書律

丞相社稷臣

非真惠帝子。乃迎代王嗣帝位。代王不果。周勃宋昌力迎之。至渭橋。勃請間。宋昌曰。所言公。公言之。所言私。王者無私。勃乃跪上天子璽。王西向讓者三。南向讓者再。乃即位。

太宗孝文帝

名恆。高帝中子。二十三年。

詔議賑恤。除挾書。秦法。挾書者斬。并

妻孥連坐法。

年八十。上賜米肉。九十。上者。帛二匹。不時存問。

上厚遇周勃朝

罷。乃目送之。嘗稱為社稷臣。袁盎曰。劉氏不絕如帶。丞相功適會其成耳。今有驕色。而陛下更過遇之。不可。○有獻千里馬。上曰。吉行日五十里。師行日三十

却千里馬
陳平不對錢
穀決獄之問
宰相上佐天
子

吳公治行為
天下第一
一歲超遷大
夫

賈生至言

里。朕乘千里馬。獨先安之。不受。○上問周勃。一歲錢穀決獄幾何。勃謝不知。及問陳平。平曰。宰相上佐天子。理陰陽。內親百姓。外撫四夷。使羣臣各任其職。而已。錢穀獄事。何與焉。勃知才不及平。乃謝相歸。○南越反。上使陸賈往諭之。乃朝。尹氏曰。文帝一紙書。賢于十萬兵也。吳公河南治行天下第一。召為廷尉。公薦賈誼。洛陽人。為博士。上奇之。一歲超遷大夫。誼請改正朔。興禮樂。盡變秦舊法。上每謙讓未遑。○日食。上曰。朕過所致。願羣臣共摘之。○賈山上書。名曰至言。畧云。雷霆之所擊。無不摧折。萬鈞之

止輦受言
袁盎卻坐
擬漢開籍田
詔

賜民今年田
租之半
除誹謗妖言
法

所壓。無不糜滅。今陛下威命。非特雷霆也。勢重。非特萬鈞也。山東之民。聞詔下。舉賢。雖老羸癯疾。願緩須臾死。以觀德化之成。今日從。上嘉納。嗣是凡遇上疏。輒止輦受之。○上幸慎夫人。令與寶后並席。袁盎引卻。慎夫人曰。獨不見人彘乎。上悅。賞之金。○賈誼曰。積貯天下之大命也。誠驅游食之眾。轉而緣南畝。人各食其力。樂其所矣。上詔開籍田。賜民今年田租之半。○詔除誹謗妖言法。曰。古明王建誹謗木。今加之。法。朕恐無由聞過也。○張釋之為騎郎。十年不得調。嘗與上論事。上曰。卑之。無甚高論。令可行也。乃言秦

釋之不拜嗇夫

釋之奏當罰金廷尉天下之平

賈誼治安策

漢得失。上悅。拜僕射。○上登虎圈，問上林尉以禽獸不能對。有嗇夫代對甚悉。上欲拔上林令張釋之曰：以口給而超遷，諛上者至矣。乃止。○張釋之為廷尉時，上出有驚乘輿馬，釋之曰：犯蹕當罰金。上怒其輕對曰：法如是何可踰。廷尉天下之平也。一傾民安措手足。又有盜高廟玉環，釋之奏當棄市。上怒欲族對曰：盜宗廟器而族之，假令竊長陵高帝墓一杯土，何以加法乎。○太子入朝，不下司馬門，張釋之劾不敬。上益重其直。○賈誼上治安策甚愜，上加納之。畧云今之勢可

抱火積薪

芒刃斧斤

投鼠忌器
大臣短賈誼

前席賈生

賈誼為長沙王太傅

為痛哭者一。流涕者二。長太息者六。進言者曰：天下已安已治矣。臣獨曰未也。夫抱火積薪之下而寢其上，火未及然，因謂之安耳。○屠牛垣一朝解十二牛，而芒刃不鈍者，其排擊皆理解也。至醜解之所非斤則斧，仁恩人主之芒刃也。權勢人主之斧斤也。今諸侯王皆衆醜也。陛下釋斧斤之用，而櫻以芒刃，恐不折則缺耳。○今天下方疾大腫，一脛之大幾如腰，一指之大幾如股也。○人主之尊如堂，臣卑如地。故陛九級，廉遠地，則堂高；陛無級，廉近地，則堂卑。○諺曰：投鼠忌器。夫鼠近于器，尚忌刃投，况貴臣之近主乎。○大臣多短賈誼，上遣為長沙王。傅後上召誼，至上時坐宣室受釐。食祭昨因問鬼神事，誼具言其故。至夜半，上前席既罷，曰：吾久不見賈生，自謂過之，今不及也。遂遷梁王傅。後梁王墮馬死，誼亦自傷失職。

詔鑄四銖錢

文帝誅薄昭

晁錯上言邊

事

四者兵之至

要

泣死。○或誣周勃反。下廷尉。薄太后曰。向將北軍。誅諸呂。縮帝璽。不以此時反。今乃反耶。遂赦。初勃下獄。獄吏難之。勃曰。吾將百萬兵。安知獄吏之貴。○詔鑄四銖錢。錢四分重也。淮南王反。徙蜀。道死。民歌曰。一尺布。尚可縫。一斗粟。尚可舂。兄弟二人。不相容。上聞而悼。封其子。○薄昭太后弟殺漢使。坐誅。上使羣臣喪服往弔。乃自殺。○匈奴數苦邊。晁錯上言邊事。并募民田塞下。兵事畧云。器械不利。以其卒予敵也。卒不堪用。以其將予敵也。將不知兵。以其主予敵也。主不擇將。以其國予敵也。四者兵之至要也。○匈奴之長技三。中國之長技五。今義渠新降。其技與匈奴同。令

兩軍相為表

裏

明君貴五穀

而賤金玉

智囊

除肉刑

文帝有刑措之風

拊髀思頗牧

古者推轂遣將

兩軍相為表裏。而各用其長。斯萬全矣。○屯田畧云。貉人能耐寒。粵人能耐暑。驅漢卒。一旦走塞外。不戰斃矣。○足餉畧云。明君貴五穀。而賤金玉。今欲足邊。莫如令民輸粟于邊。以免罪。不三年而塞上多饒矣。上嘉納之。錯為人深刻多智。太子號曰智囊。○淳于意有罪當刑。其女緹縈上書。願沒入為官婢。以贖父刑罪。上憐之。詔除肉刑。上務寬厚。至斷獄四百。有刑措之風。○上曰。聞昔李齊之賢。戰於鉅鹿。下今每飯意未嘗不在鉅鹿也。馮唐曰。尚不如廉頗李牧。上拊髀曰。誠得頗牧。寧憂匈奴哉。曰。雖得弗能用也。古者推轂遣將。曰。聞以外將軍主之。今魏尚守雲中。坐差

文帝不能用
頗收

玉杯改元

申屠嘉辱鄧
通

勞軍細柳

六級削爵。兵法以獲級多。上賞。尚止得六級。故削。臣故曰。雖得頗收。弗能用也。乃復尙爵。○新垣平方士使人持玉杯獻上。上刻人主延壽四字。平先誑曰。闕下有寶玉氣。頃之果獻玉杯。上悅。遂改十七年為元年。後上覺其詐。斬之。○丞相申屠嘉入朝。見鄧通狎上。嘉曰。陛下誠愛羣臣。則富貴之。毋以朝廷瀆也。朝罷。召通欲斬之。上度丞相已困通。使使急持節召通。因謝嘉曰。此吾美臣。君釋之。通至。為上泣曰。丞相幾殺臣。○匈奴入雲中。上令周亞夫次細柳。劉禮次灃上。徐厲次棘門。上往

接轡徐行
真將軍

四百年文帝
所貽
詔減笞法
晁錯謀削七
國

勞棘門灃上。直馳入。至細柳。不得入。曰。軍中但聞將軍令。不聞天子詔。上使使持節詔亞夫開壁門。門者曰。軍法不得馳驅。上按轡徐行。至營。亞夫持兵揖曰。介冑之士不拜。上改容式車。勞畢。出曰。此真將軍矣。棘門灃上。若兒戲耳。月餘。匈奴退。呂氏曰。惜露臺費。不盡人之財。不伐匈奴不盡人之力。賜吳王杖。賞張武金。不盡人之情。漢四百年福澤皆帝貽也。孝景皇帝文帝子名啓。十六年有元年。中元後元三號。詔減笞法。民三十稅一。初文帝稅屢盡。時七國多橫。晁錯議削其地。吳王一除。至此又稍復。遂糾諸王反。上命周亞夫將兵擊之。吳相袁盎與錯

趙涉遮說亞夫將軍從天而下亞夫堅壁不出

素隙。上書請斬錯。兵乃止。上默然良久。遂斬錯。鄧公曰。吳欲反久矣。特借錯為辭。夫錯患七國而請削地。誠忠計也。今戮之。是為諸王報仇也。上曰。吾亦恨之。亞夫至滎陽。趙涉遮說曰。兵尚神密。將軍何不走藍田。抵洛。直入武庫。令諸侯驚曰。從天而下也。亞夫從之。使輕騎絕吳楚糧道。吳兵饑挑戰。亞夫堅壁不出。吳引兵去。亞夫追破之。七國皆滅。上初與梁王王俱寶飲。曰。朕傳位與若。至是因上廢太子而立王太后生氏子徹。寶太后請立梁王為嗣。以袁盎諫不可。梁王

田叔悉燒梁獄詞。田叔空手來見。

蒼鷹

直不疑償金

不疑長者

顧謂上席取箸

快快非少主臣

怨之。令羊勝刺殺盎。上遣田叔往持獄。太后憂梁事。日夜泣不食。田叔捕羊勝等殺之。悉燒梁獄詞。空手來見。託言梁王不知。太后立起加飡。梁王入朝謝罪。太后及上相泣如故。上益賢田叔。○邳都行法不避權貴。權貴皆側目。號曰蒼鷹。○直不疑為郎。同舍有歸者。誤持他同舍郎金去。或意不疑。不疑償之。後歸者至。還其金。亡金郎大慚。時稱不疑長者。○上召亞夫。賜食。忘置箸。亞夫不悅。顧謂上席取箸。上笑曰。此非不足君所乎。亞夫出。上曰。此快快非少主臣也。

治者動推文景夫景何可配文哉其無罪廢后與太子夫婦父子之倫失許梁王傳位不與兄弟之義失殺申屠嘉晁錯周亞夫君臣之道失所取者獨節儉一事克配文耳

世宗孝武皇帝

景帝子名徹五十四年有建元元光元朔元狩元鼎元封太初天漢太始征和

後元十號詔舉賢良上親試策董仲舒凡三對皆善拜江

仲舒有儒者氣象

翻王相王多驕仲舒以禮匡之程子謂仲舒有儒者氣象上好

儒趙綰薦申公上安車蒲輪以蒲縛輪使穩迎之首問治亂

之事申公曰為治不在多言顧力行何如耳上拜為

大夫議明堂等事尋免歸○竇太后好黃老黃百公老聃

不悅儒術以萬石君家石奮父子四人俱官至二千石故云不言而躬

為治不在多言為治顧力行耳萬石君家不言躬行

詔選天下四方才智之士

行遂寵之○招四方才士東方朔司馬相如朱買臣

莊助等嘗在左右朔等持論詼諧大臣多屈于其辨

○詔舉孝廉置五經博士定四科取士法孝廉明經賢良茂本

○丞相田蚡驕侈治宅甲諸第嘗請地益宅上怒曰

何不直取武庫都尉○汲黯都尉性多直以嚴見憚時河內

失火上使視之黯復曰家人失火不足憂也臣過河

南見貧人傷水旱萬餘家臣謹持節發倉以賑請伏

矯制之罪上益賢黯時上招文學黯曰陛下內多慾

而外施仁義奈何欲効唐虞乎上怒退曰甚矣汲黯

何不直取武庫汲黯以嚴見憚汲黯矯節發倉內多慾而外施仁義

汲黯何如人

汲黯社稷臣
不冠不見黯

王恢韓安國
議伐匈奴

作見知法
汲黯叱詰張
湯

之慙也。或告黯黯曰：天子置輔臣，寧令從諛乎？上嘗問莊助曰：黯何如人？助曰：使黯居官，無以異人。至輔少主，守成深堅。操守之深，遠堅固也。招不來，麾不去，卽黃育莫奪也。上曰：古社稷臣，黯近之矣。上每不冠，不敢見黯。○李少君以却老方獻，而方士紛至。○王恢議伐匈奴，韓安國曰：勿擊，便恢曰：邊境屢驚，擊之便。乃伏兵馬邑，誘匈奴入塞，關吏有以伏告，匈奴驚還。○張湯定律多刻，作見知法。見知不舉，連坐。湯舞智御人，汲黯叱曰：刀筆吏不可為公卿。果然，湯嘗與顏異隙，時上有令

擢宏對為第一
公孫子毋曲
學以阿世

漢之飛將軍

主父偃三人
上書

下不便，異微反唇。湯入其腹，誹坐斬。自是有腹誹法。誹以腹亦從何辨，將仁孝盡可誣矣。朝野怨湯，卒以罪自殺。○上策士擢公孫宏第一。轅固年九十餘，亦以賢良徵，宏从目事固，固語宏曰：毋曲學阿世也。宏每諛上，汲黯當殿叱之。○上遣唐蒙通南夷，入夜郎。今四川。立為郡。司馬相如通西夷，邛笮冉驪若水牂牁皆為郡。○軹人郭解，關東大俠也，殺人甚衆，上捕族之。○李廣守北平，匈奴號曰：漢之飛將軍，數歲不敢近。○主父偃嚴安徐樂三人上書曰：天下之患，在土崩不在瓦解。今海

公等何相見之晚

公孫宏布被丞相封侯自弘始開東閣延賢宏薦仲舒為

內虛耗。又深入匈奴。民情洶洶。土崩之勢也。上曰。公等何相見晚也。俱拜郎中。主父偃曰。諸王日強。縱之固亂。削之亦亂。請裂其地與諸王子弟。則彼無辭。而諸子弟且德上。不削之削也。上善之。公孫宏為布被。汲黯議其釣名。上問宏。宏曰。三公為布被。誠似釣名。使無汲黯直。陛下安聞此言。上益重宏。謙。公孫宏封侯。丞相封侯。自宏始。始開東閣。延賢參謀。嘗惡汲黯。董仲舒叱已欲誅之。無名。以宗室多難治。乃令黯為右內史。仲舒為膠西王相。衛青屢征匈奴。

膠西相汲黯不拜衛

青大將軍有揖客遇黯加于平日

置武功爵三人言利析秋毫卜式助邊

以下式為郎中

有功封侯。公卿靡不卑奉。汲黯獨抗禮。人謂黯當拜。黯曰。大將軍有揖客。顧不重耶。青聞愈賢。黯遇之加于平日。張騫使月氏返。言大宛多善馬。大夏有邛竹杖。多奇珍。上由是日事西南夷。國用大乏。令民買爵免罪。以給軍支。名曰武功爵。又令孔僅。桑宏羊等領鹽鐵事。算舟車。權酒酤。言利析秋毫。卜式輸財助邊。上曰。欲官乎。有冤欲鳴乎。式曰。不然。陛下苦匈奴。賢者宜死節。有財者宜輸。委耳。上欲顯之。風百姓。乃拜郎中。淮南王謀反。曰汲黯守節。難惑。以非。

發蒙振落

其他如發蒙振落耳。發去鏡之塵蒙振下後事敗。自

殺。○渾邪王降。上發兵二萬迎之。馬不足。貸于民。民

匿馬上。欲斬長安令。黯曰。須斬臣。民乃出馬。上默然

久不聞汲黯之言

曰。吾久不聞黯言。今復妄發矣。命降者徙居邊郡。○

得神馬于渥洼水中

得神馬于渥洼水中。令為歌頌之。汲黯曰。王者作樂

承宗廟。今以馬歌。先帝豈知其音耶。○上為霍去病

治第。去病曰。匈奴未滅。無以家為也。上益賢之。○衛

青霍去病合攻匈奴。所殺十餘萬。自是匈奴遠遁。幕

南無王庭。○甯成為都尉。甚酷。民曰。寧見乳虎。毋逢

幕南無王庭

帛書飯牛

甯怒。○少翁以鬼惑上。上所幸李夫人死。少翁夜致

以汲黯為淮陽守

之見上。後書一帛。令牛飯之。誑上曰。此牛腹有奇。殺

補過拾遺

視之。得帛書。上心知為少翁筆。誅之。○上以汲黯為

淮陽守。黯稱病不能任。願出人禁門。補過拾遺而已。

上曰。君薄淮陽耶。遂令守此。十載卒。○倪寬勸農。緩

倪寬課最

刑。征稅多假貸。後寬以此免。民恐失之。大家牛車。小

家擔負。租稅纒屬不絕。上愈奇寬。課更以最。○王溫

舒。歎曰。令展一月。吾事足矣。○上親將兵北征。告單

起柏梁臺

老人牽狗

仙者得之自然

宏羊作平準法

烹宏羊乃雨

天旱意乾封公孫賀不受

百身車馬卷二

于曰若能戰天子自將以待不能急來臣單于遠遁乃還而四夷帖服○上溺仙事起柏梁臺作承露盤以銅為之夜令承露飲之可仙○上巡東海祭八神祠恍聞呼萬歲者三見一老人牽狗忽不見上以為仙也遂封泰山禪梁父欲往蓬萊求仙東方朔曰仙者得之自然躁求無益也陛下須還宮靜待之仙將自至乃止○桑宏羊以平準法得幸天下之稅封侯時旱卜式曰烹宏羊乃雨上默然○上憂旱公孫卿曰黃帝時封則天早上曰今天意欲乾封乎欲所封之士乾燥也○上相公孫

相

蘇武使匈奴

咽雪飲

羝乳乃得歸

李陵有國士之風

作沈命法

王賀陰德

問巫蠱之法果何自而起

百身車馬卷二

漢紀

海山仙館叢書

賀賀以上多殺大臣乃泣不受印上怒強之受賀出曰我從是殆矣○中郎蘇武使匈奴單于強之降不從置武大窖中絕飲食會天雪武取旃毛和雪咽之數日不死復遷武北海牧羝曰羝乳乃歸羝不乳示不得歸○李陵李廣孫伐匈奴敗因降上怒司馬遷稱陵有國士風其不死欲圖報也土以遷阿陵遂下遷腐刑勢也○范昆等持節捕盜作沈命法沈沒其命王賀以捕盜多所縱坐免賀曰吾活萬人後世其興乎○上為衛太子立博望苑有女巫入宮中教埋木人宮中可免

耶

壺關三老上書

田千秋訟太子寃

為歸來望思之臺

厄。上一夕夢數千木人持杖擊之。乃疾。江充與太子隙。因言上疾皆太子巫蠱為祟。上命治巫蠱。充因持太子太子斬充。遂出武庫兵欲反。詔捕之。壺關三老茂曰。子盜父兵以救難耳。何邪心也。上悟。尚未明赦太子度不得免。遂自刎。衛后太子母亦縊。上既而悔。高寢郎高帝寢廟之所田千秋知之。詐稱白頭翁與言曰。天子之子誤殺人。何罪哉。上曰。此高帝使公示我。遂以千秋為卿。未幾相。又未幾侯。而族江充家作思子宮。歸來望思臺于湖。○上盡屏方士。歎曰。天下豈有仙人。

下詔深懲既往之愆。皇子弗陵生堯母門。

霍光可任大事。畫周公圖賜霍光。

盡妖妄耳。節食服藥。差可少病而已。○桑宏羊請田輪臺威西域。上不可。下詔深懲既往之悔。○初趙婕妤好居鈎弋宮。妊十四月生子弗陵。上以堯十四月生。遂名宮門曰堯母門。至是上欲立弗陵。以其年穉。母少。欲以大臣輔之。察霍光去病弟可任大事。乃畫周公負成王圖賜光。上病篤。光曰。如不諱。當誰立。上曰。君未喻前畫意耶。遂立弗陵。後數日。以他事賜鈎弋夫。人死。左右曰。立其子。殺其母可乎。上曰。呂后之慘。諸公不聞耶。上崩。光輔幼主。政自己出。小心謹慎。天下

天下想其丰采

想其丰采

孝昭皇帝

武帝子名弗陵十三年有始元元鳳元平三號

有詐稱衛太子騎黃

犢詣闕下羣臣駭之雋不疑曰昔蒯瞶出奔輒拒不

納春秋是之太子既得罪奔當就獄上與霍光嘉之

曰公卿當用有經術者不疑乃名重朝廷

按不疑斷者甚是但云春秋是輒則謬矣惜

光不學莫辨其謬也○雋不疑為京兆尹每論囚

其母輒問有所平反活幾何人或無所出母怒為不

食○蘇武持節匈奴十九年鬚髮盡白節旄盡落至

是以書繫雁足入漢上得之語匈奴以武所在匈奴

大臣當用有經術不疑名重朝廷

蘇武臥起持雁足吊書

拜蘇武為典屬國

昭帝辨上官桀之詐

傅介子斬樓蘭

驚乃歸武武還上拜為典屬國○霍光盡罷武帝賦

法外和匈奴稍復文景故業時上官桀與光有卻詐

為燕王上書誣光上曰此詐也將軍調校尉未十日

燕王何以知之且將軍為非不須校尉上年方十四

尚書左右皆驚後桀黨又譖光上曰大將軍忠臣先

帝囑以輔朕敢有毀者斬後桀謀弑上而立燕王謀

洩遂族桀○樓蘭王殺漢使傅介子誘殺之更其國

曰鄯善介子還上封以侯○上崩無嗣霍光奉太后

詔迎昌邑王武帝子即位王縱淫無度光憂之田延年

古史輯要卷二 漢紀 三 海山仙館叢書

漢之伊尹

霍光益重經術士

嚴延年劾奏

霍光

朝廷嚴肅敬

憚

獄中有天子

氣

曰將軍能更立賢漢之伊尹也時王出遊夏侯勝曰天久陰不雨臣下必有謀上者陛下出欲何之光聞驚問勝勝對言在洪範傳光益重經術士光白太后太后召王解其璽逐還昌邑霍光此舉于漢忠矣獨惜其始之不慎也丙吉奏衛太子孫病已當立霍光乃奉太后詔迎之嚴延年劾光擅廢立奏雖寢朝廷肅然憚焉初病已生數月坐巫蠱事在獄丙吉哀其無辜乳養之或告獄中有天子氣詔盡殺病已賴吉以全時上林苑蚕食柳葉成公孫病已立五字至是果驗

詔求微時故劍

霍光稽首歸政

廷中稱平

夏侯勝論武帝不宜立廟樂

事君識鯁直字

中宗孝宣皇帝武帝孫初名病已後改名詢二十五年有本始地節元康神爵五鳳甘露黃龍七眾議立霍光女為后上初已娶許氏乃詔求微時示故劍且求况后乎大臣知旨自立許倖仔為后○上厚遇霍光光歸政上不受凡事先白光乃奏○召河南丞黃霸為廷尉霸行法多寬仁廷中稱平○詔立武帝樂夏侯勝論其無道不宜立樂眾劾勝獨黃霸不劾勝霸並下獄霸在獄從勝講尚書更冬不怠程子曰勝事君識鯁直字霸治民識循良字二子可無愧尚書矣○霍光妻顯謀立其女為后会許后病娠使女醫投毒死光知大驚終不忍

銛箭投書
廣漢鉤距

發奸摘伏如
神
天下無冤民
民自以不冤

祭孝婦乃雨
千公高大門

發舉後女果立后。○匈奴入會雪深丈餘不能還。盡擊殺之。邊患始寧。○趙廣漢為潁川守。設銛箭。小孔。令民投書告奸。而奸黨悉散。及為京兆尹。尤善鉤距。鉤之有順。吐嘗數人聚一舍謀劫。語未竟。捕者至矣。時稱發奸摘伏如神。○于定國為廷尉。朝廷稱之曰張釋之。為廷尉。天下無冤民。于定國為廷尉。民自以不冤。初定國父為獄吏。東海有孀婦侍姑。姑恐妨其嫁。自縊。姑女告為婦逼。坐斬。東海旱三年。于公知其故。言于令曰。必祭某婦乃雨。果驗。于公吏獄多活人。會家改

閭

春秋譏世卿

魏相請去副封

孝宜勵精為治
刺史吏民之本
漢世良吏為盛

門閭曰。須高大可容駟馬。吾後必興也。○霍光卒。上即日封其子。賜葬如王禮。魏相曰。春秋譏世卿。故宋三世為大夫。則惡之。上不聽。○時上書者用二封。其副封先白尚書。然後以正封奏。尚書每視副封不便。多壅之。魏相請去副封。上曰善。拜相給事中。○上深知民艱。勵精為治。賞信罰必。凡二千石有治効。輒加秩。曰。刺史吏民之本。久乃服其化。不可數易。故漢世良吏于斯為盛。○王成偽增戶口八萬。賜爵侯。○上聞霍氏毒殺許后。乃收諸霍印。諸霍有逆謀。上族之。

芒刺在背

霍禍萌于驂乘

曲突徙薪

赤子弄兵潢池

治亂民猶治亂繩

賣劍買牛賣刀買犢

廢霍后。初霍光為上驂乘。上憚光。若有芒刺在背。世傳霍氏之禍。釀于驂乘云。○徐福嘗請抑霍氏及族。凡告者皆封。或言曰。客有過主人者。見其竈直突。傍多薪。客言宜曲突徙薪。未幾火。鄰人救之。乃殺牛置酒以謝。人曰。向使聽客言。即牛酒可省。今曲突徙薪無恩澤。焦頭爛額為上客。上乃遷徐福為郎。○渤海多盜。上命龔遂鎮之。遂曰。民困饑寒。故弄兵于潢池耳。治亂民猶治亂繩。不可急也。乃單車至府。悉罷捕盜。令但以執田器為良民。令民賣劍買牛。賣刀買犢。

廣漢見事風生

百姓追歌之

以蕭望之為平原太守

尹翁歸披籍取人

魏相諫伐匈奴

義兵者王此兵何名

而盜悉解。○趙廣漢見事風生。無所迴避。嘗以私怨殺人。坐斬。吏民詣闕泣代。後百姓追思歌之。○上命蕭望之出守平原。望之曰。出諫官補郡守。恐朝無諍臣。是憂末而忘本也。乃徵還。○尹翁歸守扶風。今鳳郡中吏民賢奸皆有籍。披籍取人。無不畏服。○馮奉世使西域。會莎車叛。遂徵諸國兵平之。後上欲封侯。蕭望之論其矯制。漸不可長。乃以為大夫。○上欲伐匈奴。魏相曰。聞兵義者王。兵應者勝。兵忿者敗。兵貪者破。兵驕者滅。此兵不知何名也。○丙吉為人深厚。

丙吉不道前恩

試望之于三輔

舉賢豈容私謝

賢哉二大夫

自會孫遭遇絕口不道前恩。會宮婢自陳阿保之功。因及吉。上乃問吉。吉終不言。上大賢之。封為侯。○蕭望之初補平原守徵還。上欲詳觀其政。乃復試之三輔。扶風馮翊京兆號為三輔。○張安世湯子以父子封侯。權位太盛。乃辭。嘗薦人來謝。安世曰。此公典。豈容私謝耶。○疏廣與子疏受。傳太子。至是。父子乞歸。上賜金七十斤。公卿祖帳滿道。道路觀者曰。賢哉二大夫。廣受日以所賜金置酒延客。不為子孫立業。曰。賢而多財。損其志。愚而多財。益其過。吾不欲以過益後也。○黃霸守

黃霸治行天下第一

聖主得賢臣

可將無踰老臣

兵難遙度

充國條陳便宜十二事

充國振旅而還

穎川治行天下第一。時屬令許丞賢。但病耳。或告逐之。曰。許丞廉吏。重聽何傷。○上幸甘泉。郊泰畤。聞益州有金馬碧雞之神。遣王褒往求之。褒乃作聖主得賢臣頌。以諷。畧云。人主勤下求賢。逸于得人。何必偃仰屈伸。若彭祖。陶噓呼吸。如喬松哉。○先零諸羌叛。上問誰可將。趙充國年七十餘。對曰。無踰老臣。上問當若何。對曰。兵難遙度。願至金城。今臨洮。圖上方畧。充國至。不輕與戰。欲以威信招降。罕開。奏請屯田。乃陳便宜十二。以聞。越明年。諸羌皆降。充國振旅還。○上方煩刑法。任宦官。蓋寬饒曰。陛下以

蓋寬饒以直言死

丙吉問牛喘

時人以爲知大體
閉閣思過

屠伯

刑餘古以宦者用刑爲周召。法律爲詩書。上怒。下寬饒。吏寬饒自劾。闕下。士民憐之。○丙吉爲相。尚寬大。嘗出遇羣鬪。不問。及見牛喘。問之。吉曰。民鬪。惟京兆事。方春未熱。而牛喘。此時氣失節也。吾三公調陰陽。職當問人。以爲知大體。○馮翊守韓延壽。多惠政。民有兄弟訟田。曰。吾爲守。而令骨肉訟。將誰咎。乃閉閣思過。訟者遂自悔。後延壽以侈棄市。百姓莫不流涕。○河南守嚴延年。多酷。民號曰屠伯。卒坐怨棄市。初。延年母聞報。囚。大驚。曰。天道神明。人不可殺。吾不意當老見

東海賢智其母

黃霸功名損于治郡

楊惲廉潔無私
孫會宗遺書戒楊惲

須富貴何時

子被刑也。遂歸。至是莫不賢智其母。○黃霸長于治民。及爲相。功名損于治郡。初。霸守潁川。以鳳集。遷相。至是。張敞舍鵲。鵲飛入霸府。欲奏爲神鵲。後知從敞來。乃止。漢宣時。鳳凡五集。豈亦鵲鵲之類歟。○楊惲廉潔無私。但好於已能。發人隱。居家多治產。自娛。其友孫會宗遺書戒之。惲覆曰。田家作苦。歲時伏臘。烹羊炰羔。斗酒自勞。酒後耳熱。仰天拊缶。而呼烏烏。且歌曰。田彼南山。荒蕪不治。種豆一頃。落而爲萁。人生行樂耳。須富貴何時。會日食變。或譖惲驕奢所致。上斬之。○羣臣奏張

五日京兆

漢家自有制度
匈奴位在諸侯王上
上思股肱之美
圖功臣于麒麟閣
麒麟閣唯霍光不名
詔諸儒講五經同異

敞為憚黨時敞掾有事屬敞按掾曰五日京兆耳安能復按事敞聞竟致之死敞亦坐此免不數月京兆枹鼓紛起上復召敞而盜解○太子勸上緩刑用儒上曰漢家自有制度本以伯王道雜之奈何純用德教委任俗儒乎○匈奴入朝待以不臣之禮位諸侯王上○上以四夷賓伏思股肱之美乃繪功臣十一人于麒麟閣而列其姓名獨霍光不名但曰大司馬大將軍博陵侯霍氏○詔諸儒講五經以梁邱易名大小夏侯尚書大名勝小名建穀梁春秋名叔俱為博士

中書政本之地
蕭望之請罷中書宦官

賈捐之諫棄珠崖
禹入聖域而不優
廣德請從橋
聖主不乘危

孝元皇帝

宣帝子名爽十六年有初元永光建昭竟寧四號

史高以外戚領尚

書事石顯宏恭典樞機蕭望之奏中書政本之地不宜用宦官顯恭因譖望之召下廷尉望之聞詔自殺上驚曰果然殺吾賢傅○珠崖等郡今廣東叛上欲征之賈捐之曰堯舜聖之盛禹入聖域而不優三聖人地皆不過數千里其不欲附聲教者不強也○上往酌宗廟欲御船薛廣德請從橋上不悅張猛曰船危橋安聖主不乘危上曰曉人不當如是耶乃從橋○劉向字更生等多抗論石顯嘗譖之向懼危乃上書上

轉石拔山

不報。書畧云。執狐疑之心者。來讒賊之口。持不斷之意者。開羣枉之門。今用賢若轉石。去佞如拔山也。

○石顯益擅權。與牢梁五鹿充宗為黨。民歌曰。石耶牢耶。五鹿客耶。印何累累。綬若若耶。京房諷上曰。今天下治耶亂耶。上曰亂。房曰孰致之。上莫知。房曰陛下所最幸而進退天下者是上。乃喻然亦不能退顯也。未幾。房為顯誣死。○甘延壽。陳湯。以誅西單于當封。匡衡論其矯制。劉向曰。不煩一兵。不費斗糧。以建大功。可無封乎。並封侯。○匈奴請為壻。上以宮女王昭君賜之。○河南守召信臣治行第一。民號曰召

甘陳矯制立功

王嬙下賜單

于

信臣治行第一

召父

父。○石顯懼諸言者。乃先設驗。嘗請于上。遇夜有建白詔吏開門。上許之。後顯故夜入。言者果論其矯詔。開宮門。上笑。以書示顯。顯泣曰。從來誣臣。事多類此。上益信顯。

孝成皇帝

元帝子。名鶯。二十六年。有建始河。平陽朔。鴻嘉。永始。元延。綏和。七號。谷永對策。

殿上知王鳳擅權。鳳上母舅。為丞相。陰欲自託。乃云。方今骨肉大臣。有申伯之忠。

大臣有申伯之忠

以喻王鳳。上以策示鳳。遂擢永

光祿大夫。○悉侯諸舅。王音。王商。王立。王根。王逢時。相繼為相。劉

劉向進洪範傳

向憂王氏權盛。乃作洪範傳。中皆古今諷上。上心知與亡之事。

趙張三王

王莽折節恭
儉
何武去後見
思

班生謹言

借劍斬佞臣
頭

向忠但終不能奪王氏權。○王章耿直雖為王鳳所舉。每摘鳳過後為鳳誣死。○京兆尹趙廣漢張敞。王章王尊王駿皆有能名。民稱曰前有趙張後有三王。○新都侯王莽從姪為謙恭外交英俊內事諸父指五。曲有禮意虛譽用是滿世。○何武為京兆尹所居無赫赫名去後多見思。○上與張放等日飲禁中。時繪紂沉湎圖于屏上問侍中。班伯對曰紂為酒荒天祿弗保也。上曰幸聞班生謹言。○時多災異皆謂王氏傳權所致。張禹獨謂不然。朱雲請尚方劍斬佞

朱雲折檻

輯檻旌直臣

劉向請興禮樂

哀帝躬行節儉

臣之頭上問為誰。雲曰安昌侯張禹。上怒下雲獄。雲扳殿檻。檻折大呼曰。臣得從龍逢比干遊足矣。未知聖朝如何耳。上釋雲命無更檻。輯之以旌直臣。○得古磬十六枚。皆曰瑞。請定法。劉向曰法所以殺也。于磬何取。請陳禮樂。○劉向極論王氏。上曰君且休矣。吾將思之。上深嘉其忠。欲用為九卿。終為王氏所持。不得遷而卒。○上相王莽謙恭益著。○

孝哀皇帝

名欣。元帝庶孫。成帝無子。迎立之。六年。有建平元壽二號。

躬行節儉。政由已出。天下翕然望治焉。○以朱博為丞相。有大聲如

洪範所謂鼓妖
下車拜謁
鄭崇心如水

鐘鳴揚雄曰此洪範所謂鼓妖也。○侍中董賢權侔人主。即丞相孔光下車拜謁不敢抗禮。鄭崇極諫上曰君門如市。又誰禁乎。對曰臣門如市。臣心如水下。崇獄死。

孝平皇帝

名衍亦元帝庶孫哀帝無子迎立之五年號元始

太后臨朝王莽秉

致成周白雉之瑞
莽功德比周公
九錫
吳市門卒

政時越裳重譯獻白雉。又有黃龍遊江中。臣民盛稱莽功德如周公。上加莽安漢公。尋賜九錫。○初梅福極論王氏不聽。至是知莽必篡。乃棄家遁。後有見其易姓名為吳市門卒。○王莽殺不附己者百餘。

逢萌掛冠

作策禱于泰
時
藏策金滕

人海內震焉。逢萌曰三綱絕矣。不去禍將及。乃解冠掛東都門。率家浮于海。○王莽因臘日上椒酒毒。上疾。莽作策禱于泰。時願以身代。而藏策金滕。○初孟通浚井得白石。上有丹紋。安漢公莽為皇帝七字。羣臣奏莽攝帝位。○上崩無子。時宣帝元孫嬰。莽利其幼。迎立之。

翟義舉兵討莽

孺子嬰

名嬰宣帝元孫三年

詔莽假皇帝。東郡太守翟義會諸郡

兵討莽。莽仿周書作大誥諭天下。遣孫建等破義。未幾廢孺子為安定公。而即帝位。改國號曰新。

義兵雖敗然新

復井田法

龔勝死節

薛方守箕山之節

陳咸用漢家祖臘
我先人豈知王氏臘

莽之際無此一舉
大義不幾盡滅乎

附王莽名莽字巨君十三年有莽狹小漢制乃復井田

法名天下田曰王田不得私相買賣○莽欲伐匈奴

嚴尤諫曰古來征匈奴者未有得上策也周得中策

漢得下策秦無策焉不聽○莽迎龔勝勝不食十四

日死時清名之士紀遂等四人皆仕莽獨薛方謝曰

堯舜在上下有巢由小臣願守箕山之節莽從之○

陳咸三子俱在位令解綬歸卧不出戶嘗用漢家祖

臘曰我先人豈知王氏臘乎○唐尊太柴車籍藁飲

揚雄三世不徙官

揚雄太元法言何如

揚雄投閣

劇秦美新

劉秀起兵春

秀隆準日角

立劉氏以從人望

食必瓦器民有犯刑者令衣赭衣別之○揚雄三世

不徙官成哀莽三世坐劉棻事下捕時雄校書天祿閣

聞捕至從閣投下幾死後莽因雄太元法言內盛稱

莽功德又有劇秦美新之文乃免以雄之才而失節于莽君子羞之

○劉秀字文叔景帝後與兄續起兵春陵今寧遠縣秀隆準日角

絳衣大冠皆驚非常從者甚眾初劉元亦景帝後起兵平

林至是相合兵勢大振首攻潁川馮異率五縣來降

樊崇起兵莒朱其眉以別曰赤眉兵

淮陽王名元景帝子長沙王之後二年諸將議立漢後從人望初劉元

劉秀小怯大
勇
風雷瓦屋皆
飛

在平林兵中號更始將軍時諸將皆貪元懦弱畏續威明遂立元○漢兵圍宛岑彭死守數月乃下劉續高彭節義封以侯○王莽大發兵逆漢劉秀獨戰數十合大敗莽兵諸將曰劉將軍見小敵怯見大敵勇也會大雷風飛瓦雨下如注莽兵溺死數萬○漢兵入武關鄧曄開關以迎莽奔漸臺追斬之○平林諸將以續兄弟威名日盛勸更始除之忽坐續以他事死秀識其意乃不為續服笑語如常每獨處多泣○公孫述起兵成都隗囂起兵隴西卜者王郎詐稱成

復見漢官威儀
鄧禹杖策追秀
延攬英雄
任使諸將皆當其才

北道主人
蕪蕪亭豆粥
水堅可渡

帝子百姓信之立為天子○劉秀過洛陽民泣曰不圖今日復見漢官威儀秀出鎮河北所過郡縣無不被澤鄧禹杖策追秀曰願公延攬英雄以悅民心天下不足定矣秀悅每任將多決于禹皆當其才○更始日夜飲宴膳夫皆授上爵長安歌曰竈下養中郎將爛羊胃騎都尉爛羊頭關內侯由是關中離心○耿弇謁劉秀秀攜食至弇今順天指弇曰此我北道主人也會薊中起兵應王郎秀急趨蕪蕪亭馮異進豆粥又前阻滹沱河以水堅得渡渡畢水解至南宮會

對竈燎衣

南宮麥飯

劉秀披輿地圖示禹

赤子慕慈母

大樹將軍

蕭王始貳于更始

大風避入空舍。馮異抱薪。鄧禹爇火。秀對竈燎衣。異進麥飯。乃馳信都。定計討王郎。斬之。得吏民黨逆書數千。秀不視。盡焚毀。曰。令反側子自安。秀披輿地圖。示禹曰。天下郡國。今始得其一。子言不足定。何也。曰。方今亂離。人思明君。如赤子慕慈母。在德厚薄。不以大小也。○劉秀令眾卒各屬所將。皆願屬大樹將軍。馮異謙下。恤士。秀嘗與諸將論功。異獨屏坐樹下不言。故號。○更始心懼劉秀。乃立為蕭王。徵詣行在。耿弇曰。更始必敗。毋令他姓得之。秀乃不就徵。始貳于更始。○劉秀攻銅馬賊。盡降。

蕭王推赤心置人腹中

寇恂文武備足

委寇恂以河內

令諸降者各歸營。自按行部陳。降者更相語曰。蕭王推赤心置人腹中。安能不投死乎。關西號秀為銅馬帝。○赤眉兵攻長安。劉秀遣鄧禹西襲關中。慮河內無守。禹曰。寇恂文武備足。乃拜恂太守。謂恂曰。高祖留蕭何守關中。吾今委公河內也。秀禹引兵各往。恂調糧供軍。未嘗乏絕。

<p>此車之制未嘗有也 蓋其制也與今之 制不同也</p>	<p>此車之制未嘗有也 蓋其制也與今之 制不同也</p>
--	--

顏南潘氏
 賦韻樓
 匪板

